


CIYUBUNUZYO,

CHIPATI CASANU CIBEELA II

 ...kujoka mu cikombelo cifumo cino, a kulungulula makani mabotu koonse, obo Mwami Leza mbwakali mubotu kuli ndiswe.

² Munsondo mwakainda kaindi cilengaano nicaka ambwa, alimwi bunji bwanu nomuli okuno (kujatikizya eyo nzoka ya kajaigwa akati): eco cilengaano cakacitika ijwi ku ijwi mu maora ali makumi obilo aone nica kamana kwaambwa awa aa cibumbili. Cakali cabulemu obo Mwami mbwa kacita. Nsena bwene cimwi cazyo kukakilwa mu i...mu buumi bwangu boonse, alimwi Ndili myaka ili makumi osanwe ayobilo yakukomena. Cakulondoka buyo, ijwi ku ijwi nzila mbo cakacitika. Elyo Nda limvwa kabotu loko, kabotu loko.

³ Elyo lino kuli koonse Nkwe kali kukanana, kwaamba kujatikizya oko kutamikizya. Na, kutali kutamikizya, kwakali kuzwa ku bantu ba myoyo iisyomeka, bantu bayoowa Leza, oyo mulimo wangu ngwa kajisi kugambya aniini-... cigambyociinda, alimwi ba katalikide kuyeeya kuti Nda kali Mwami Jesu, alimwi ngu k-...katalika njiisyo niini kujatikizya njiyo. Pele koonse kwa kaima aciindi comwe. Alumbwe Mwami kuli ceeco!

⁴ Elyo kufumbwa buyo Nda zwa muli ncico lwangu a kulekela buyo Mwami kuba ancico aku cituula ku Mwami, cakamana mpoonya awo, mu maora ali makumi obila a one cakamanizigwa. Wakandi siya kulibilika aniini a kunyonganisigwa aniini, pele Ndila zwa muli ceeco kwainda kaindi. Mubwini cali kubaanga cilagambya kuli ndime, pele Ndi cita buyo kabotu a kubotelezya.

⁵ Elyo twa kajisi inzundo zipati mvwiki eyi, Ndi yanda kulungulula cintucimwi.

⁶ Lino, ikuti ni Nda kaswiilila kuli ceeco Mwami nca kandaambila, eco nica taka kalibonya. Myaka yone yakainda Wa kandaambila. Elyo mukaintu wangu oyo uliko, kusule mu bbunga okuno abusena bumwi lino, elyo mwana wangu kakkede...wali waano aa cibumbili kaindi kaniini kainda, a bamwi banji abo baka ndimvwa kwaamba ciindi a ciindi, “Eci nciindi camamanino Nce yooba a kutweluka kuli koonse oko.” Mwabona? Ca kaba obo...Nda kasola kupona kabotu loko kuli Leza alimwi, mu kucita boobo, mpawo cileta cintucimwi mbuli kubikka bantu mu kunyona kusikila tabazibi ncobeni ca kuyeeya.

⁷ Elyo mpawo, aa kaambo ka mutelo ako nke twa kajisi, nikwaatali ijwi lyomwe kujatikizya ceeco ikuti Ne ka kumuswiilila Mwami. Lyoonse nko nkuko Nkwe cita... Oko Nkwe ta Mu lemeki nkooko Nkwe njila mu mapenzi lyoonse. Ikuti ni Nda kaswiilila kabotu a kweenda a Nguwe!

⁸ Elyo mpawo ciba i... I mulimo neigambyociinda loko ziindizimwi kusikila Ndili... Nda kali kuyoowa kuti inga Nda zuzila kokuya ku mundando umbi. Pele, lino, Ta ndaambi... Ndi yanda ku... muntu onse ku, kujata eci kabotu, kuti Nse kanzi kwaamba kuti Ndiya butantamuka, kuya butantamuka kuzwa ku Mwami, pele Nse ciyandi limbi kupandulula cimwi ca cigambyociinda, mwabona, mbubona munzila ya mbuli kutweluka a— a zintu mbuli ezyo.

⁹ Lino, Mwami wakali siluzyalo kuli ndiswe kuciindi eci; Wa kabusya Mukwesu Neville, oyo ujisi ijwi lya cisinsimi; Uli jisi Mukwesu Higginbotham a banji bamwi bakwesu okuno balo cancobeni... kwinda mu zipego zya kumuuya mu mbungano, bacita maleele.

¹⁰ Elyo andi mupe buyo bumboni. Kwakali Mucizi Opal Weaver, Ta ndizi naa uli andiswe omuno mu mbungano cifumo cino na pe. Sa mpoli ano, Mucizi Opal? Kutegwa Nta konzayi ku—ku mubona. Oh, ee, myaka misyoono yainda waa kali kufwa ku kkulenge, elyo kkulenge lyakali mu magilandi aabwanakazi a kutanta mu nsa zyakwe. Elyo baka mupa buyo busiku bomwe bwa kupona, waa kaciswa loko. Elyo Nda kaunka kuyo mukombela, nkabela cilengaano cakasika, nkabela waa kaponsegwa ncobeni. Elyo eyo yakali myaka itandila ku kkumi ayosanwe yakainda. Waa kanjila a kuzwa akati kesu kwa myaka a myaka.

¹¹ Buzuba bumwi waa kanjila mu cilwazi oko nkwa kaba... kajana zilonda zinji a kameneno akutalika kuzwa malowa kuzwa ku kameneno kakwe. Kwa kakulwaiigwa kuti a kabone dokotela cakufwambaana. (Elyo nce cindi Ne kali mu Canada.) Elyo waa katumina Mukwesu Neville, a Mukwesu Neville wakaunka akuyo leta Mukwesu wesu Higinbotham. Nse yeeyi kuti Mukwesu Higginbotham nkwali okuno, inga kwaba, cifumo cino. Mukwesu Rupert Higinbotham wakali umwi wa basyomesi besu bataanzi, mukwesu mubotu. Sena nkwali? Aboobo bakaunka kutala kuyo kombela mwanakazi, elyo cindi niba kamukombela... Waa kali kusweka malowa eno, Ta ndizi na nciindi cilamfu buti, wa mazuba, mazuba obile na otatwe, elyo waa kazumanana buyo kuswida bulowa. Elyo Mukwesu Neville waka mukombela nkabela kwiina nakaswida limbi dosi lya bulowa. Mbo mbubo.

¹² Alimwi mpawo waa kajisi zikoto zybile, zipako na kufumbwa mbo cibede kutala lya mulomo, musyobo wa kutumpa na kufumbwa mbo cibede kacilengelela mu ciluli ca mulomo wakwe; mulwi mupati, mbuli. Elyo taka jisi

kugwasigwa kumwi kuzwa kuli nzizyo, alimwi zya kali... Waa kati, “Zitandila cisela ca naati ya hickori.” Elyo zyakali mu kanwa lyakwe kwa—kwa ciindi cikubwene, mazuba. Elyo Mukwesu Higginbotham. . . Mbuli Mbwe talyaambi kabotu zina eelyo lya muna German akwalo, Mukwesu Rupert, kondi jatila kuli ceeco. Pele nekuba, Ndi. . . Elyo ndiza inga Nda ba a bulubizi obu mpoonya awa. Na, peepe, Nda syoma walo—walo ujisi cipego ca kwaambaula mu myaambo a kupandulula myaambo. Elyo wa kabikka janza lyakwe, kuciindi eci, aa busyu bwakwe. Elyo waa kati, “Mukwesu Branham, kutali jilo, kutali masiku ainda, pele mpoonya buyo masena ayo nakazwa” kuzwa ciluli ca mulomo wakwe. Mpoonya biyo!

13 Mpawo madokotela baka boola, kalanga mu kameneno kakwe, a zintu zyoonse, elyo ba kati, “We elede kuunka ku cibbadela nkaambo ujisi kkulenge lya kameneno.”

14 Aboobo twa. . . Ba kamutola ku cibbadela. Elyo tii Nda kazi akwalo kuti wakali mukati muya kusikila Nda kaswaanganya mweembeli wesu mubotu, Mukwesu Neville, atala awa, elyo Nda kali mu lweendo lwangu kuya ku cibbadela elyo wa kandaambila kuti—kuti waa kali kubusena okuya. Aboobo Nda kaunka kutala kuyo mubona, nkabela mulumi wakwe wakali kkede alya. Elyo bosanwe, bone na bosanwe, madokotela baka njila a kusunkwa kwa ncico, kuzunganya mitwe yabo, kati, “Yalo, nconzyo, ndi kkulenge, kucita kazunda kkulenge, ndi kkulenge.”

15 Aboobo musilisi uuciiya waka njila a kubweza i—i cibeela ca ndilyo cakulangalanga. Wa kati, “Kuti, kakutakwe kuzumbauzya, ndi kkulenge.”

16 Elyo Nda kati, “Pele, mucizi, ikuti na Leza wakuponya lomwe lwaku kkulenge. . . akube kufumbwa mbo cinga caba. Ndiza baalumi abo bali luleme. Balo—balo mbantu bakayiisigwa mu incito ezyo zyakuziba kuti naa ndi kkulenge na liboneka mbuli kkulenge na kufumbwa mbolibede. Nkokuti. . . Balo mbantu bakayiisigwa ku bukanze obo. Elyo kuboneka mbuli kkulenge aboobo baamba kuti ndi kkulenge.” Elyo Nda kati, “Antela mbo cibede.”

17 Pele takali kuyanda kusyoma kuti lyakali kkulenge. Aboobo, Nda kati, “Pele ikuti na Leza wakonzya—wakonzya kwiingula mupailo atala awo kulesya kuzwa malowa; Leza inga waingula mupailo, gwisya zintu ezyo zipati kuzwa ku mulomo wako. Acibe kufumbwa mbo cinga caba, sa Leza takonzyi ku cilesya mpoonya awa?”

18 Waa kati, “Ameni!” Elyo mulumi wakwe kakkede alya. Elyo waa kati, “Nce ncico Nce tantide ndyoonya lino, kuti Leza uyo cilesya.”

19 Elyo Nda kamu kombela. Elyo baka gusya zikwabilizyo zya ku soleka, a kujokela “negativu” cindi boonse babo niba kaamba kuti lyakali *kkulenge*. Mwabona?

²⁰ Aboobo cintu ncakuti, beenzuma, kuti Ngu Leza alimwi Ula ingula mupailo. Elyo tuli kkomene loko kuti Ula tuswaya okuno ku cikombelo eci ciniini cibombede. Ta cibotelezyi loko kulanga, ma bboodi akaindi maniini akabikkwa awa antoomwe, myaka minji yakainda, ku ciyusilo atala lya mutwe wesu, ciluli atala lya mutwe wesu, mubwini, kuzwa ku mvula a caanda a zimwi zimbi. Pele bantu banji bala pona sunu nkaambo ka kusoleka oku, alimwi kuli ceeco tuli lumbide kapati.

²¹ Tuli lumbide ku basyomesi besu. Tuli lumbide kuli bamadaikona besu. Tuli lumbide ku mbunga yesu. Elyo tuli lumbide ku mweembeli wesu. Tuli lumbide ku cipego coonse eco Nca kapa mu mbungano. Elyo twa komba kuti Uyo pa bantu aba kumvwisya, kuti taba kakonzyi kuzwa ku lubazu lutaluzi pele amukkale mpoonya akati ka mugwagwa a Ndilyo. Kuta sumpulwa na kufumbwa cintu; kufumbwa cindi wacita, wa mana mpoonya awo, nywebo mwabona. Kokkala buyo koli mubombe a Ndilyo.

²² Elyo mwabona, lino, mpawo bantu kaba njila, balwazi a bapengede, ba kukombela kuciindi Ne pumuna eno ndiza kwa mwaka na yobile, mpawo Leza wakabamba nzila ya kumamela kuciindi ne Ndi pumuna asyoonto. Mwabona? Oh, sa eco ta cilumbwi? Ce elede. . . Sa tweelede kulumba kuli ceeco? Leza kwiina nalicita Lwakwe kakutakwe kamboni, elyo aboobo tuli kkomene kapati kuli ceeco.

²³ Lino, eyi mvwiki itobela, na Mwami wayanda, Ndi kanza kubweza basimbi bangu baniini bakazwa calino mu cikolo kukuba a kupumuna kuniini kwa cikolo, aboobo Ndi lomba kuti mutu kombele. Mwana wangu musimbi mupati, mu cikolo cipati, uyanda kubona awo Paul Revere mpa kabamba kutanta kwakwe kwa aakati kamasiku, oko nkwa kasiya mbungano okuya. Elyo tu. . . Cili mpoonya atala awa mu New England alimwi tu yanda kuunka kutala kuyo bona ceeco.

²⁴ Mpawo, Nda kali kuyanda kubona Old Ironsides lyoonse. Mbangaye bakasola kumvwa zya ciyabilo ca *Old Ironsides* kale? Nce ciyandisi cangu cipati kuli zyoonse nze Ndi zyi; kunze lya Munakristo, oko nko kubotu kwangu. Nda buyo. . . Nda talika kucibala elyo Nda cimbula a kukkala aansii, kweenda koonse, kujoka. Mbobuti mbo konzya kucibbizya. . . Cili buyo mbuli kubweza mbizi akwii jaya musule lya kukubambila zyakuponena a mukwasyi wako. Nse konzyi buyo—Nse konzyi buyo kubona ceeco. “Aboobo Ndila zimaazya!” Peepe, uta citi eco. Cindi cikoto ca zilublo zizwa kuntobolo mpati yabana British izya kacuuma akujokoloka ku mabazu a mubanga wakaindi, Nse—Nse kakonzya kukubona kucigusya a ku cibbizya.

Amu mupe ku tuleza twa guwo lyamvula,
Lulabo aguwo pati loko!

Nda kubotelwa ncobeni eco.

²⁵ Elyo mpawo tu yanda ku boola kunselelo, elyo Ba. Kennedy tiiba katutamba, pele tu yanda kubona White House kuciindi notuli kokuya. Ba. . . Nda kali muli njiyo ziindi zisyoonto pele bana bayanda kwiibona. Mpawo tuyo joka ku munzi, Mwami nawayanda. Aboobo amu tukombele.

²⁶ Elyo tu kombela boonse bayandwa besu kuno abo bali mu ciindi cakulyookezya, bunji bwabo batola nyendo zyabo ku masena aindene. Elyo bamwi babo baunka cifumo cino, kunselelo mu Kentucky a Tennessee a masena aindene. Aboobo twa bakombela.

²⁷ Lino, kuli cintu cimwi cimbi nce Nda li kuyanda kwaambilizya. Oh, iiyi, mulimo wa lubbizyo ulaba ndyoonya kwamana biyo kuswaangana oku. Elyo mpawo—mpawo Nda syoma kuli kutuula kwa bavwanda, mukwesu wali kundaambila kujatikizya nkuko, kutuula kwa bavwanda. Elyo zintu zinji loko ezyo nzyo tweelede kuy-. . . Waamba nzi? [I mukwesu wabuzya Mukwesu Branham kujatikizya kuswaangana kwa ku mangolezya—Mul.] Ee, Nse limvwi kutola miswaangano yoonse. Nywebo mwabona, Nda bweza omwe a Mukwesu Neville watola umbi. Elyo Nse konzyi. . . Ta cili. . . Kakuli kuli bobilo besu awa, nkaambonzi umwi wesu nca tubelekela? Sa mbo mbubo, Mukwesu Neville? Mbo mbubo ncobeni.

²⁸ Elyo, mpawo, Doc waka ndaambila ku re-. . . mwaambila nyoonse ku bayeeya, zikonke zyanu ku cikombelo, kuti—kuti mbungano. . . kuti bala lingula kujatikizya buyake kufumbwa buyo mboba tajanine kweelede antoomwe kwa mbungano.

²⁹ Elyo aboobo Nda—Nda kajisi. . . Cakaboneka kuli ndime mbuli kuti kwakali cintucimwi, kweelede kuti cindi noka ndaambila makani aceco, kutuulwa kwa bavwanda. Obo mbo cakabede. Elyo tuyo jana kuti kwaakumana buyo kumanizya a kuswaangana oku lino.

³⁰ Lino, sa eci ceelede ku kombelwa, zisani, Nda yeeyela? Ncibotu, munene. Tuyo cita eco antoomwe, elyo mpawo. . .

³¹ Lino, katutana kuboola ku Ijwi. . . Mbangaye babotelwa Ijwi? Oh, ma, kuponena aa cilundu! Nywebo amubone, nywebo—nywebo inga mwabona kuzwa Munsondo yainda eco nco caamba ku cicita mu nzila ya Leza. Mwabona? Cindi Ne kabona kuti wakali muuya waka jisi akati ka bakwesu abo bayandisi, kwakanyina nzila ya muntu wakunyama ya kugwisya eco. Aboobo cintu buyo nco twa keelede kucita nku cituula na ku cinyonena ku Mwami, a maora masyoonto coonse nicakamana.

³² Lino, mweembeli (elyo mebo nkezwa), mukuba mugwasyi wako antoomwe a nduwe okuno mu mulimo wa Mwami, elyo mbuli Paulo mbwakali kunga wati, “Nda kulailila kumbele lya Leza a baangelo basale,” mwabona. Elyo ku mbungano eyi

awa, kuli mukozyanyo uulondokede ali ceeco cakucita ikuti na muntuumwi wazwa mu malailile mu mbungano. Mwabona?

³³ Lino, ikuti na kwaboola cintucimwi mu mbungano eco citali kabotu, mpawo lekela mugame, oyo uuzi kuti eco ta ciluleme, koya ku muntu. Elyo ikuti na muntu taka yanzanisigwi; mpawo cintu citobela kucita nku bweza bakamboni a kuunka, na ndiza omwe na bakamboni bobilo, a kuunka ku muntu oyu kuyo bayanzanya na kululamika cintu. Lino, amuswiilile kabotu! Lino, eci cili muku teping'wa, acalo. Elyo mpawo ikuti na eco tacibeleki. . .

³⁴ Muta lekeli inkamu yatulengwa twabuyo, na cintucimwi ciniini cimbi, kulimvwa kuniini kubi kwa kasola kubuka akati kanu. Cila zwa munzila mpoonya awa! Aboobo eco nciniini. . . ngu mwaaba oyo unyonganya magirepu, nywebo mulizi. Aboobo ko citantamuna mu nzila! Kulimvwa kumwi kweenzu, koya uka mwaambile muntu kuli ncico. Kwaamba, “Ndili—Ndili lubide. Nse—Nse limvwi kabotu kusika kuli nduwe, na cintucimwi. Kondi gwasya ku cikombela, eco Njo cilulamika.” Nkaambo, ta tuyandi cintu cita Muuya Uusalala buyo, uusalala wa Leza akati kesu. Nku koonse nko tuyanda. Mpawo zipego a zintu ziyo beleka kabotu a zintuzyonse ziyo boola kabotu.

³⁵ Nkaambonzi kuba a cisela ca mbungano kakuli inga waba yomwe ikkwene? Nkaambonzi kuzumina ciiminizyo kakuli milengalenga yoonse izwide zya bwini? Mwabona? Ta tuyandi eco. Aboobo ikuti na kulimvwa kuniini kweenzu kwasola kuyutuka akati kandinywe nomamembala, umwi kuli umbi, koya ku muntu oyo.

Yebo wati, “Ee, ba kandicita. . .”

³⁶ Kuti. . .cili. . .Lino, amuyeeye, kutali “ikuti na ujisi bulubizi na kampenda ku mukwesu,” pele “Ikuti na mukwesu ujisi kaambo kuli *nduwe*.” Mwabona? Koya kuli nguwe a kuyanzanisigwa, kamwaambile kuti mwa—kuti ujisi kulimvwa kweenzu kujatikizya nguwe elyo uyanda kubamba beenzuma, a kukomba a kuunka kuselelo ku cipaililo a kujana cintu kuzwa akati kanu.

³⁷ Lino, Saatani ula kuuma cakuzumanana kusikila wa mana ano aa nyika. Koyeeya buyo obo. To kabi a ciindi pele oko kuli kuuma kuyabuya ciindi coonse, nkaambo uli mu nkondo. Sena walomba kuboola kuli Kristo, kuunka ku ciindi cakulikwaya? Ee, muyo gambwa ncobeni, nkaambo ni nkondo izumanana. Nda kali mu mulimo kwa myaka ili makumi otatwe aumwi, elyo Nda kalwana kabeela koonse ka nzila. Mbo mbubo. Israyeli yakalwana kabeela koonse ka nzila. Ba—ba. . .Palestine yaka pegwa kuli mbabo, pele bakacita kulwanina kabeela koonse ka nzila yaku cijana.

³⁸ Lino, amuyeeye eci lino, kuti na. . .Mpawo ikuti na kuli cintucimwi caboola mu mbungano, mpawo amulekele

mweembeli...elyo ikuti na—ikuti na weelede kuboola kujana mweembeli, ku batola ku muntu. Mpawo ikuti na taba kamvwi eco, mpawo amuboole kumbele lya mbungano a ku caamba kumbele lya mbungano. Bape ciindi cinji ca kuyanzanisigwa, ndiza kuzwa Munsondo imwi kusika kuli iicilila. Elyo ikuti na taba kamvwi mbungano, mpawo Bbaibbele lyakati “Abalekwe babe mbuli bahedeni a basimitelo.”

³⁹ Kuti, mwabona, kufumbwa kuti bakakwabililwa ku mbungano, Saatani takonzyi kusika kuli mbabo. Pele cindi mbungano ya baangulula kuzwa kungsi lya kukwabililwa kwa mbungano a Bulowa bwa Kristo, mpawo Saatani uyo unka kuyo beleka ali mbabo. Eco ciyo banjizya moonya mu kuyanzana alubo. Mwabona? Mula—mula mvwisya eco, embo na, mweembeli? Iiyi, munene.

⁴⁰ Aboobo nce cintu lyoonse kuyeeya kucita, nku yanzanisigwa, boola kuli Leza a kuunka nzila ya Leza. Tu jisi . . .

⁴¹ Ino eco citondezya nzi kuli ndiswe? Bobilo na botatwe bakwesu besu abo bazi kuti Nda kabeleka kungsi lya oyu umwi umbi kwa myaka yobilo na yotatwe. Mbo mbubo. Pele cindi Nda kasika ku busena Mpe bayeeya mbuli bantu, elyo Nda konzya kubayanda bantu abo kumalekelo kweelede cakuti inga tiibazwa kuli ncico. Alimwi Nda katola bakamboni pele eco tii cakabeleka. Nda kacita kucileta ku mbungano. Elyo mpawo kuzwa ku cibumbili Munsondo mwakainda, Nda kati, “Ta ndiyandi ku cimvwa limbi ciindi cimbi. Nda anguluka kuzwa kuli ncico. Nda kacaaba kuli Leza, mwabona, a kucaaba kujosya kuli Nguwe.”

⁴² Elyo mpoonya buyo kutondezya kuti bantu abo bakaitwa. Ci...Lino, ikuti nibatakali obo, cindi niba kasika ku kululamikwa kwa Lugwalo...A muntu utakonzyi kuzumina kululamikwa kwa Lugwalo, ula nyema konse a kukalala, citondezya kuti ta luleme kuli Leza. Yaa! Pele musalali wini wa Leza uyo yanzanisigwa kuli Leza kwiinda ku Ijwi. Mbo mbubo. Alimwi Ijwi ni nzila ilulamika. Abo bakwesu beelede kulumba loko kuli Leza kuti . . .

⁴³ Mwabona, Bbaibbele lya kaamba kuti “Bakristo babeji bayo buka mu mazuba aa mamanino alimwi bayo cenga mbabonya basale ikuti nicali kukonzeka.” Pele ta cikonzeki. Peepe, munene. I Basale bakali salidwekale, aboobo taba kacengwi, nywebo mwabona.

⁴⁴ Aboobo balo bakwesu mbo baka . . .Ba kaboola kutala kuya ku ng’anda buzuba bucilila, mwabona, akwalo mane bakasika a kutalika kundipa Lugwalo lwabo. Elyo mpawo Muuya Uusalala ku Lugwalo waka tapatila zintuzyonse nzo bakali kwaamba. Nywebo mwabona? Aboobo nceeco mbo cakabede, ba kabona, balo nkamu yakasalwa iya bantu bakeenda kuzwa mu Busyu

bwa Leza. Ci ndibamba kulumba ku bantu mbuli boobo. Iiyi, munene. Abo mbantu beni.

45 Cindi wabona muntu ulubide, akutondezegwa kulubila, mpawo eco citondezya kuti uyanda kuba Munakristo, uleenda kumbele akuti, “Ndili lubide.” Oyo—oyo Munakristo wini.

46 Pele oyo mulombwana uli kalauka konse, akuunka koonse ku lubazu lomwe a kuti, “Asyoonto, kwakanyina cintu kuli Ncico,” alimwi mbuli obu; lanilila, mukwesu, inga wabona mpoonya awo kuti wakazwa kuni lya kupegwa mulandu nkaambo ta kali wesu. Pele lyoonse, mweembeli, boola ku Ijwi eelyo alimwi Liyo cicita ciindi coonse. Pele weelede kukkala a Ijwi.

47 Ako nkekaambo cindi Nda sika, lino, Ndi jisi . . . nse cijisi limbi kutweluka mu—mu United States, nseka kanza kucita, bonse buumi bwangu, kumasena akumbi amasena akubelekela ali kumbi abumwi. Mubwini, mbuli cipego, mbuli cipego ca businsimi, eco lyoonse cियोoba okuya, pele Ndiyo cibamba kuli lwangu a kucibeleka buyo nkaambo cili . . . twa—twa mukisya mu buzuba lino kuli ncico ku . . . cila zumanana. Tuli muni loko ku ciindi camamanino. Pele mu masena aakumbi kuli buyo komwe na twaambo tobile aa cibumbili alimwi, mukwesu, Nda amba kuti twa kamana.

48 Mpawo tu jisi kulikozyanisya kwakunyama kwa Ncico. Oh, ma! Cuusisya nsoni loko. Amulange, Ndi yanda ku . . . Mbangaye ba Pentekoste bali muno? Tambika janza lyako. Yaa. Amulange, nywebo noba Pentekoste, myaka misyoonto yainda Leza waka muwida ncobeni nkabela mwakatalika kukanana mu myaambo. Mbo mbubo. Pele ncinzi dyabulosi nca kacita? Wa kaboola kubusena a kupa kulicengeezya kwa kunyama kwa ceeco. Wa kapanga cintucimwi catakali kabotu, kabweza bantu kumusanza a kukanana mu myaambo, a kubabamba kwaamba majwi amwi a zintu kubabamba kukanana mu myaambo, azimwi zimbi; a mwaalumi kaponi a mukaintu wa mwaalumi umbi, a misyobo yoonse ya zintu, a misyobo yoonse, bamwi babo kabanywa, kufweba, a zintuzyonse, kaci kanana mu myaambo. Ino wa kacitila nzi eco? Ku kubamba mweembo wini kupa kulila kuta teeleeleki ku bantu. Mpawo nguni unga walibambila ku nkondo? Mwabona?

49 Mpawo cindi eci nicaka boola . . . Lino, tuli jisi bantu mu bbunga . . . Kuli omwe ncobeni . . . kainka nkoonya kumbele lyangu kutala kuya mu Canada akwalo i . . . Baa, baiminzi baka mutola kutala mbuli sikulala mwaaluminyina. Mwabona? Wa kati, “Baa, Leza wakandipa cipego ca kutweluka.” Kati, “Aleluya, Nda jana . . .” Kati, “Lino, Mwami waka ndaambila kuti muntuumwi omuno waka uzikidwe kuti ‘Johane . . .’”

50 Twa kajisi mwanakazi muniini okuno cifumo cimwi, waka jokela okuya, ula yeeya, waka jokela okuya elyo waa kati, “I Mwami waka ndipa cipego nciconya.”

Elyo Nda kati, “Ee?”

Waa kati, “Nda lombozya ni Nda jisi ciindi caku citondezya.”

Nda kati, “Nceeco cibumbili.”

51 Alimwi waka bona cakacitika; lwiiyo lunji ncobeni lwakulilemeka kwa mizeezo, mwabona. Pele cindi wabona, Mucizi Snyder kaboola, a kumwaambila kuti waa kajisi “coondamazwi,” eco—eco—eco caka cimanizya. Cindi Mucizi Snyder . . .

52 Mpawo Nda kati, “Eco tacili cilubide ku mwanakazi.” Nda kati, “Waa kawa a kutyola kasolo kakwe.” Elyo Nda kati, “Ta imvwi akwalo awo . . .” Mubwini Mucizi Snyder ta kamvwa kabotu awlo, elyo waa kati . . . Elyo eco nca kajisi, Nda syoma, cakali cikoto mwida lyakwe na cintucimwi cimbi cilubide mbuli ceeco. Nda kati, “Obo mbo cibede; nkekkede awa kaambaula ku bakwesu kujatikizya ncico ciindi coonse.” Mwabona?

53 Pele ci buyo—buyo kutondezya kuti mbungano, mwabona, kuti nkuli kozyanisywa kwa kunyama, nywebo mwabona. Elyo ino eco cicita nzi? Ci bamba mweembo wini . . .

54 Lino, cindi ni Nda kali mu Canada baka bweza mulombwana oyu wa kainka kutala kuya. Elyo kati (moonya akati ka cikama caba Norway), elyo wa kati, “I Mwami undaambila kuti muntu umwi omuno . . .” nkamu ya bantu kutandila ziindi zili kkumi ku musala oyu, “muntuumwi wa zina lya ‘John,’ ndiza ‘Joannes,’ ‘Johann.’” Kati, “Mpoonya ambali awa, Nda syoma.” Wa kati, “Peepe,” kati, “cili moonya mukati muno abusena bumwi”; mubwini, wa kanjila muli coonse . . . Mu cisi ca Norway? Elyo bantubonse baka jisi . . . Peseenti ili makumi ali fuka ya mbabo ngu ba Petersons, Carlsons, John, Johannes, a, baa, ncamasimpe. Mwabona, uli masimpe . . . Yeelede kunjila omuya abusena bumwi. Mpawo, “I Mwami wandaambila kuti muntu umwi ujisi penzi lya musana, Nda umvwa musana wangu ulacisa.” Kufumbwa muntu oyo waka komezegwa kwiinda mu Lugwalo ulizi kuti oko nkulilemeka kwamizeezo. Eco . . . Cili masimpe, mbocibede.

55 Pele, mwabona, ino cakacita nzi? (Mpawo mwaalumi waka bwezegwa mpoonya alya aba i—i FBI kuzwa kokuno, kamu tumina okuya aku mubweza kuya okuya, ba Royal Mounted Police.) Elyo nkamu ya bakutausi yaka boola kuli ndime, alimwi, “Sikulala baaluminyina,” ba lati, “baa, Mukwesu Branham antela cintu nciconya. Eyo nje nzila buyo mbo ceenda, mwabona.” Ino cicita nzi? Kupa mweembo kulila cakatamvwisigwa. Mwabona? Mbubonya buyo. Eyo nje nzila mbo cibede lyoonse, kusola kucita zintu mbuli ezyo kupa kulila cakatamvwisigwa. Oyo mulimo wa Saatani kucita ceeco.

⁵⁶ Pele, lino, muta cinci kuzwa ku Ijwi eelyo. Amuyeeye, Nda mulailila kumbele lya Leza: *Amukkale a Ijwi eelyo!* Muta kuleya kuzwa kuli Ndilyo. Elyo ikuti na zintu ezyo zyanguka akati ka bantu a zintu mbuli zeezyo, kuli zya kasimpe ziindi zyoonse ujisi bubeji. Kuli ii—kuli dollar ya lweeno, eyo itondezya kuti kwakali dollar ya kasimpe nkoya kakkopelwa kupangwa. Cindi wamvwa sikuupaupa kakanana mu myaambo, yebo tokonzyi kwaamba kuti uli jisi Muuya Uusalala. Pele, amuyeeye, uli mukulikozyanisa caano cimwi cini eco cijisi cipego ca kwaambaula mu myaambo. Cindi mwabona zintu ezyo zya bubeji, amuyeeye, zya kabambwa kuzwa kuli zimwi zyakasimpe. Leza ngu sikutalisya wa zintu zyoonse zibotu, pele Saatani ula kkopela zipigo ezyo. Ee, Nda sika ali ceeco, ta tuko njila mu ciyo cesu, sa tuyo cita?

⁵⁷ [Mukwesu Ben Bryant waamba, “Mukwesu Branham, ndijatile aniini buyo?”—Mul.]

Iyi, mukwesu.

[“Akaka? Nse kaliko Munsondo mwakainda, elyo Nda kajisi guwo lya ceeco nco kali kukanana kutandila myeezi misyoonto yainda, elyo Nda kali nyongene loko kujatikizya ncico, aniini loko, elyo Nda kalimvwa kuboola a kumwaambila makani a ncico a kwaambila Mukwesu Neville. Pele Nda limvwa akwalo kuti inga waziba mukaintu nkabela Nda kacibamba kuba penzi lya mupailo. Elyo cifumo cino ni Nda boola mu cikombelo, Tii ndakazi eco caka citika, elyo umwi wa bakwesu bayandisi waboola kuli ndime cifumo cino a ku ndilomba ku mujatila. Elyo Ndi yeeya kuti oyo wakali Muuya ukozyanya a Kristo.”]

Ameni.

[“Elyo Ndi yeeya kuti cila kulaizigwa maningi ku mukwesu.”]

Iyi, munene.

[“Wa ka ndilomba kuti ndimu jatile, nkaambo wa kali kusola ku . . . wa kali—wa kali kusola kuleta njiisyo kuli ndime.”]

Inzya.

[“Elyo inga Nse cizumina. Elyo wa ndilomba kuti ndimu jatile cifumo cino, nkabela Nda mujatila mu Zina lya Jesu.”]

⁵⁸ Ameni. Nda kulumba, Mukwesu Ben Bryant. Lino, obo—obo mbombubo . . . Nda botelwa kwaamba obo, Mukwesu Ben. Nywebo mwabona, nkaambo kakuti bantu abo bakali koonse ku kubamba kuboozeyanya. Lino, obo Mbunakristo bwakasimpe. Obo Mbunakristo buli mukubeleka. Cindi wano lubide, koya kutala a kuzumina kuti uli lubide. Mwabona? Koima a kwaamba, “Ndili lubide, mwabona, kondi jatila.”

⁵⁹ Lino, mulombwana usola ku cisisa, mpawo ujisi cintu cimwi nca vumbilila. Peepe, munene, Nda yanda . . . Mbuli dokotela muniini awa oyo . . . Mwabona, takonzyi . . . Wa . . . Nse

ko caamba ali nguwe, pele, nekuba, wa kajisi cintucimwi ciniini nca kali kuyanda kucita, nywebo mulizi. Elyo Nda kati, “Oh, peepe, Doc, to konzyi kumuula makulo Leza.” Nda kati, “We elede ku cibikka mpoonya awa atala lya bboodi.” Mbo mbubo, akwiinke mpoonya ansi mbuli boobo. Mubwini, muntu wakanyina kampenda maningi ku kusola kucita cintu cili coonse cilubide. Walo buyo—walo wakayeeya buyo kuti niya kaba nzila mbotu kuti kajana kasena kanyika. Alimwi takalikusola ku cicita bubi, wa kali kusola ku cicita kabotu. Pele wa kali kuyanda buyo ku . . . Wa kati, “Nda . . .” Wa kalizi nzila imwi nja kali kukonzya kuunka koonse, jana muntuumwi wakucita cintu cimwi cinga cacitya oyo mulombwana koongelezegwa awa. To ciciti munzila eyo. Ko boola buyo ncobeni cigaminina. Wabona? Kokkala ncobeni a Ijwi, elyo mpawo uli lijisi. Amukkale ncobeni a Ijwi! Leza waka mulongezya a kucita cintu cipati kuli nguwe. Iyi, munene.

⁶⁰ Yaa, atu kotamike mitwe yesu lino ku mupailo. Mbangaye bayanda kwiibalukwa mu mupailo? Ndi lizi mulindu omwe ukkede awa mu wiluceya inga wayanda kwiibalukwa ncobeni, Nda syoma. Elyo oyu mucizi awa, boonse, kolanga ansi kwindu mu busena. Lino, atu bikke ambali zintuzyonse lino a kunjila mu kukomba. Ako nkekaambo nco tuli kokuno, kutandila maminiti atobela ali makumi otatwe aosanwe, makumi one, ku kukomba.

⁶¹ Lino, Mwami, mbuli mbo tu litontozya tobeni kumbele Lyako, kulimvwa kuti Joshua wesu mupati, Muuya Uusalala, Musololi wesu Sibuleza wa buzuba buno . . . mbuli Joshua mbwa kaumuzya bantu kumbele lya Musa a kuti, “Tula konzya maningi kwiitola nyika.” Nkaambo wakali kulanga, kutali abo bana Amaleki na ba Amori, pele wa kali kulanga ku cisyomezyo ca Buleza eco cakapegwa aa Leza.

⁶² Elyo mu buzuba buno bwa lupyopyongano a ciimo eci omo nyika moibede, alimwi aa cifumo eci cibotu ca sabata, tula litontozya tobeni kumbele Lyako, akwaamba kati ka kulikozyanisya konse, kukkopela lwa kunyama, mu busyu bwa bubi boonse a myuuya ya bube butaluzi, obo mbo tu langa ku Ijwi lya Leza a kwaamba kuti tuli basikuzunda bainda! Leza wakaamba kuti Uyo oba a Mbungano iitano jisi kabala na kaimba muli Njiyo, alimwi tu lizi kuti tuyo bona Mbungano eyo buzubabumwi. Elyo tuli muku kakatila mbuli zizo, kusyoma kuti tuli zizo zya mbunga eyi ya Leza ya kazyalululwa mpati a Mbungano atala aa busyu bwa nyika sunu, tu langanya Leza cakusinizya mu Zina lya Mwami Jesu.

⁶³ Elyo mbuli mbo tu boola cabubombe, twa lomba kuti Uyo bikka kuzwa ku mizeezo yesu a myoyo yesu zintu zyoonse zya nyika, mafwabi oonse a buumi a makataazyo, a kuti Yebo, O Leza, uyo tubikka mu ciimo ca kukomba, kuti tu Ku kombe kwiinda ku kumvwa kwa Ijwi Lyako.

⁶⁴ Lino, mbuli Johane, mu ciyo cesu cifumo cino, wakalila kapati nkaambo kakuti kwakanyina muntu wakali kweelela ku bweza Bbuku, alimwi mu myoyo yesu inga twa lila cifumo cino, Mwami, nkambo kwiina umwi oyo weelela kujula Bbuku eli. Pele mbuli kulila kwa Johane kwakali kwa kaindi buyo kaniini, cakufwambaana wa kaambulizigwa nkabela Kabelele kakasika a kubweza Bbuku; O Kabelele wa Leza, cifumo cino, boola a kubweza Bbuku aku Li jula kuli ndiswe, Mwami. Twa lindila Nduwe. Mu kuta kkwansiya kwesu tu lindila kuba... Tukkwanye kwindi ku Busyu Bwako a Ijwi Lyako.

⁶⁵ Maanza manji atambikwa kuli Nduwe, O Kabelele wa Leza. Tu lizi kuti Uli zyi myoyo yoonse, nkambo Wa kalizi kuyandisya kwabo. Elyo Uli buyo mbuli Leza kunji sunu mbuli Mbo kabede lyonse. Elyo lyoonse Uyo oba mbubonya, nkaambo Uli londokede a mupatikompatila nkabela To konzyi kucinea. Elyo tuli mukulomba cifumo cino kuti Yebo utupe, nkumbizyo yoonse ya bantu. Kopa, Mwami, kuti boonse bayo kkuhila mbuli mbo basiya buyake, kuti bakali mu Busyu bwa Leza a kuzwa a kuyandisya kwa myoyo yabo. Mwami, uta lubi ku ndisanganya mu mweelwe oyo, ambebo. Nkambo Nda cilomba mu Zina Iya Jesu. Ameni.

⁶⁶ Lino, atu jule mu Bbuku lyesu Iya luzyalu, kulangila Kabelele kujula zinamatizyo, na kujula Bbuku kuli ndiswe. Atu jule lino, tuli mu capita 5 ya Bbuku Iya *I Ciyubunuzyo ca Jesu Kristo*.

⁶⁷ Lino, alimwi ku beenzuma bangu ku masena oonse aandeene aa nyika baya kumvwa eci ku teepu ya magnetiki, omuno inga Nda amba kuti Nde elede kutondezya njiisyo azimwi zimbi ku kubamba ceeci. Elyo kufumbwa muntu oyo uta jisi njiisyo ta jisi mulimo. Aboobo ikuti na to yeeyi kuti mbunga yako yeelede kumvwa teepu, mpawo kwi tantamuna kuli mbabo. Pele Ndi tondezya buyo muzeezo wangu wini a kulimvwa kwangu kwini, ciyubunuzyo cangu cini ca Ijwi Iya Leza.

⁶⁸ Lino, myeezi misyoonto yainda twa kajokela a kupa ntalisyo i... mazuba masyoonto ainda, mubwini, twa kaunka a kupa ntalisyo cipati ca 4, cipati ca 3 kusika kuli ca 4. Elyo lino, Munsondo mwainda, twapa ntalisyo cipati ca 4 kusika kuli ca 5. Elyo lino, sunu, tu yanda kupa ntalisyo ya 5 a kubikka ntalisyo ya ciboola 6.

⁶⁹ Elyo sunu mbukanze bwangu kubikka mu ncililano Magwalo, ndiza mu ciindi ciza, Ta ndizi cindi nikuyooba, pele ikuti na Mwami wacibamba, buzubabumwi kuyo bweza muswaangano wa mazuba ali ciloba mu cikombelo aa *Zinamatizyo Zili Ciloba*. Twa kajisi Makkalo aa Mbungano ali Ciloba, lino tuyo tola masiku ali ciloba aa zinamatizyo zya maseseke ali ciloba izya Leza, kujula cinamatizyo busiku abumwi kusikila casika ansi ku Zinamatizyo zili Ciloba. Lino,

Ta ndizi cindi Mwami naya kupa ceeco, pele, ikuti na Wa cita, Ndiyo bikka buyo ntalisyo ya ncico cifumo cino.

⁷⁰ Elyo kusika ansi ku tumpango twa mamanino twa loolu lugwa- . . . cibeela atala awa, na cibeela ca Lugwalo, tuyo njizya *Mwiki Zili Makumi Ali Ciloba Zya Daniele*. Elyo mvwiki zytatwe zyaında, zila ci swaanganya a Jubbili ya Pentekoste eyo ileta mukati bantu ku la- . . . zinamatizyo zyamamanino, elyo mpawo kamu kkede cakulibambila ku Kabelele kujula zinamatizyo.

⁷¹ Elyo, amuyeeye, zinamatizyo ncintu camaseseke. I Bbuku lya kanamatikwa alimwi lyakali kusule, kajisi zinamatizyo zili ciloba zya taka yubununwa akwalo mu Bbuku. Ezi zintu tazilembedwe akwalo mu Bbaibbele. Pele, ikuti na umwi wapa bupanduluzi bwa ncico, inga cakeendelana a Bbaibbele lyonse. Elyo, oh, Ndili masimpe kuti muyo jana cilongezyo kuzwa kuli ncico, na Ndi yeeya kuti uyo cita. Nda syoma muyo cita.

⁷² Nda bweza bbaki lyangu mubuyumu mu ciindi cakusika okuno ku mumuni oyu wa kuseeni, nkaambo wali. . . Nda kali kkede mukati omuya, nkebala, elyo Muuya Uusalala wakali kundi zuzya buyo koonse akoonse a bubotu Bwakwe. Elyo Nda . . . Cindi Ne kabona ceeco, Nda kayeeya, “Oh, ikuti na Nda konzya ku caamba kunselero okuya nzila Njo kupa kuli ndime awa, inga toonse twaba a ciindi cini.” Pele, bumwi, cindi wasika kumbele lya bantu, mpawo to limvwi mbuli mbo cita cindi wanooli mu mupailo lwako, na kufumbwa cintu cimbi.

⁷³ Pele, lino, ku talikila ku tumpango tutaanzi, tu jana kuti . . . Lino, kupa ntalisyo awo mpo twa kasiya Munsondo mwakainda, tula jana omu kuti Paulo, omuya mu Baefeso 1:13 a 14, ka twaambila kuti tuli. . . jisi cizibyo ca lufutuko lwesu, cizibyo ca lununuko lwesu. Nkambo walo Muuya Uusalala ncizibyo ca lununuko lwesu. Elyo eci. . . I mvwiki zisyoonto zitobela zya kwiiya zyoonse ziyo simpwa aa lununuko, mwabona, aa lununuko, kutali aa kululamikwa. Peepe. . . Kulede aa lununuko; kutali aa i—i mulimo wakwiimaakati wa nkombelezyo, pele aa *bakanununwa*. Oh, lukono lwaka sweeka na kulekelwa kuli umbi nkabela lwa kanununwa kujokela kuli ndiswe alubo, alimwi nzila mbo caka boola anzila Leza mbwa kacikanzila kakutana kusola kuba inyika, a nzila ya bukwabilizi bwa Mbungano mbo busimpidwe.

⁷⁴ Ndi yeeya kuti caboola ku ciindi eco nco tweeled kuziba mbo twiimvwi. Mbobuti mbo konzya kucita cintu cili coonse citakuti ujisi lusyomo muli ceeco nco cita? We elede kuba a lusyomo. Elyo obo mbo bukanze bwangu bwa kucita ceci a mbungano okuno, nkupa basyomi lusyomo a kaanzambwene muli ceeco ncoba iminina, nkaambo ndi Ijwi lya Mwami. Mpawo kufumbwa kuti kwiinda mu Lugwalo cila bikkwa cabupatikampatila kuzwa ku Matalikilo kunjila

mu Ciyubunuzyo, konse akonse, atala ansi, kutali nzila ya dyabulosi kunjila omuya nekuba, mpawo ujisi kaanzambwene kalondokede, mwabona, yebo ulizi awo mpoimvwi.

⁷⁵ Cintu nciconya inga caba a mucizi wesu awa uli mu wiluceya, na ndiza bamwi baciswa a bapengede. Ikuti na wakonzya kuba a kumvwisya kulondokede kuti “nkuyanda kubotu kwa Leza ku kubamba kuba kabotu,” takukwe madaimona manji mu cisi aku mubamba kuciswa. Mwabona? Mbo mbubo, cindi mwamvwisya kuti nkuyanda kubotu kwa Leza ku kubamba kuba kabotu, kuti Wa kakucitila, alimwi ulamvwisya mpawo obo mboya kucita cintu cimwi.

⁷⁶ Kuli mbuli boobu. Ikuti na Nda mwaambila a moyo wangu oonse. . . Ikuti na wakali fwide nzala a kufwa nzala ya lufu, alimwi waka jisi kaanzambwene kapati muli ndime mbuli muntu wakasimpe, nkabela Nda kwaambila awo akali madollar ali zyuulu kaabikkidwe, mbo konzya kwa bweza, mugwagwa ngo tola, kwini oko nkoya, alimwi mula mvwisya cigaminina awo mali mpa abikkidwe. Mwabona? Mpawo inga watalika kutangala mpoonya buyo, mbubonya buyo mbuli wano jisi mali, ikuti na ula ndisyoma.

⁷⁷ Aboobo, nywebo mwabona, kamutana kusola kujana. . . kulimvwa bwandeene na kufumbwa cintu cimbi, inga mwa kkomana ncobeni ku kuponesegwa kwanu mu kwaamba kuti muli “kujisi,” nkaambo muli masimpe kuti muli kujisi, nkaambo muli jisi kaanzambwene muli Umwi waka cisyomezya kuli ndinywe. Mwabona? Mwabona? Kaanzambwene kanu—kanu nkakuti Ta konzayi kubeja, alimwi Wa kamwaambila cigaminina awo mpo cakabikkidwe, elyo mpawo yebo—yebo ujisi kaanzambwene kuti uyabuya, yebo waajana kale, nkaambo olo ndusyomo lwako luli ncizibyo ca lununuko lwanu.

⁷⁸ Mu majwi amwi, musola kunununwa kuzwa ku malwazi, alimwi lusyomo lwako ncintu eco cilelekedwe. . . na, mubwini, ncizibyo ca kuponesegwa kwanu. Kufumbwa kuti cintucimwi caamba mu moyo wako, “Ndime Mwami oyo *umu* ponya,” oko kuli kabotu buyo, nku koonse nko bulide. Eco. . . Oh, inga mwatalika kukkomana buyo, tacikwe makani eco cicitika. Ikuti na to cimvwisyi, ikuti na waindila kubija, ucino kkomene mbuli mbo kabede, wakali kabotu cakulondoka, nkaambo ujisi eco cizibyo kuti camana. Mbangaye bamvwisya eco lino, atu bone maanza anu. Mpaawo we. “Bwalo mbumboni bwa zintu zitabonwi.”

⁷⁹ Lino, tula jana mpawo kuti kumatalikilo aya mataanzi aa chipati, cakuti tu jana kuti casa-. . . i chipati casanu ncibeela buyo ciswaanganya, ngu—ni—ni dayamondi ya jata eco ciswaanganya cibeela camamanino ca bukkalo bwa Mbungano, ca cipati 3. I cipati ca 4 caamba eco Johane nca katolwa ku Julu. Elyo cipati ca 5 ci bambilila aba. . . Awo mpo mwa kainda mu Makkalo aa Mbungano ali Ciloba, mpawo Johane

waka sumpulwa mu cipati ca 4. Elyo chipati ca 5, ubamba cilao awa ku kujula kwa Zinamatizyo zili Ciloba. Mbubonya buyo mbwa kacita mu cipati 1 ca Ciyubunuzyo, kujula nzila ya Makkalo aa Mbungano ali Ciloba (ngooyo Uli imvwi mu zibikkilo zyamalampi zili ciloba zya ngolide, alimwi We elede kulibonya mbuli bbwe lya Jasipi a Sadiasi), alimwi Uli mu kulibambila ku Makkalo ayo aa Mbungano aali Ciloba.

⁸⁰ Lino Uli bambila ku kujulwa kwa Zinamatizyo ezyo zili Ciloba zya lununuko. Mwabona, obo mbo cibede cipati ca 5. Ako nke kaambo Ndila cibala elyo mpawo ku cibweza kuzwa awo, a kwaambaula ali ncico a kupa zibeela zimbi zya Lugwalo; nkaambo takali kampango ku kampango, cintucimwi eco cicitika, nku libambila cintucimwi kucitika. Elyo ikuti na wajana kulibambila, mpawo uli jisi buyo. . .uli libambilide kuli ncico mpawo. Elyo nje nzila mbo cibede ku lusyomo na kufumbwa cintu cimbi. Lino, eci, zinamatizyo. . .

⁸¹ Ndi jisi Magwalo amwi a bukanazi a zimwi zimbi zilembedwe aa pepa awa. Lino, mu Baefeso 1:13-14, tu. . . ikuti na mwali kuyanda kwiilemba, kuti, “Tuli jisi lino cizibyho cacisyomyo. I Muuya Uusalala ncizibyho ca lukono lwesu.” Mu majwi amwi, Kalo nkaanzambwene, *cizibyho* cacisyomyo “cizibisyo,” “kubbadela kutaanzi,” kuti twa katambulwa muli Kristo. Bwalo mbulangizi bulelekedwe a insuwalensi kuti tu jisi Buumi Butamani alimwi tuli baswaana ba zintuzyonse Nzya katuulila. Oh, ma! Sa inga mwacibona?

⁸² Oh, cindi ni twa kanamatikwa ku Muuya Uusalala (Nda zumanana kucibalulula nkaambo Nse yandi kuti mu ciimpye), calo ncaando ca Leza caku tondezegwa kuti zintuzyonse Kristo nzya kafwida zizulilwa kuli ndiswe. Ngu Leza kaamba, “Nda mutambula eno, alimwi Njo mupa eci Cinamatizyo eco ncomu lindila buyo ku ciindi eco,” ku lununuko lwesu luzwide, alimwi nko kuti twa ka nununwa kale ku cibeela.

⁸³ Mbuli mbo Nda kaamba Munsondo imwi, Nda syoma mbo yakabede, ansi *awa* atala lya oyu muncali waansi loko mpaawo sizibi mpa endela: mu kubija, tombe, busofwi, cikoto casuko. Lino, walo. . .inga ka basalala mbuli. . .kusamba lyonse kwainda maora one, inga basama zikobela zibotu maningi, inga kabali basicikolo bapati bwaka londolwa; alimwi ca busofwi a tombe mbuli malambo adoti lya buloko mu gehena, mu buntu bwabo. Mwabona?

⁸⁴ Lino, Munakristo weendela atala alya ceeco, nkaambo ujisi cizibyho ca lukono lwesu atala *awa*. Wa kasumpulwa, kunyamunwa kuzwa ku cikoto eco casuko abusofwi; atala *awa*, nkabela weendela atala ali ncico. Oh, Nda ciyanda eco! Mbuli Paul Rader mbwa kaamba ciindi eco aa citanda, nywebo mulizi, wa kati, “Ndili tantide ali ncico! Ndili citantide buyo!” Awo mpo cibede lino:

Kalelekwe kazibyo, Jesu ngu wangu!

Oh, ino nkulabila kuniini (Nda zumizigwa kuswimpa ku Kasensa.) ka bulemu Bwabuleza!

Ndime swaana eno wa lufutuko, Nda kaulwa aa Leza,

Wakazyalwa ku Muuya Wakwe a kusanzigwa mu Bulowa Bwakwe.

Ta cigambyi aka nke kaano kangu, eyi ni nyimbo yangu,

Kwiimba—kwiimba kulumbaizya Kwakwe buzuba boonse.

⁸⁵ Mwabona, kanyamunwa atala lya zimvule, kuzwa ku cikoto casuko, kulabila ciciza! Tu jisi cizibyo lino ca lukono lwesu lumaninide, nkaambo Leza waka somona kale miyanda kuzwa ku zintu zya inyika alimwi waka tusyanga aa mbaakani zyaatala; kandi nyamuna, kundi bikka akati, kundi cinca kuzwa ku zintu zya inyika; kagwisya miyanda, mitabi, zintuzyonse, a kundi nyamuna, kuzwa ku bulongo bwantimba, kuzwa mu tombe lya cibi; a kundi syanga atala lya Cilundu ca Zioni, nke kkede mu mpulasi ya micelo iya Basalali, bayandwa iba Leza. Elyo lino tuli basicisi nyina ba Bwami obo, bakwesu a bacizi muli Kristo Jesu, busofwi boonse a bweema bununkilizyo kuzwa ku mizeezo yesu. Maanzi esu. . . mibili yaka sanzigwa a maanzi aanjoloma alimwi myoyo yesu ilasansailwa ku Bulowa bwa Mwami Jesu, alimwi Muuya Uusalala ula kkalilila a kutontola Kwakwe kuunga mu mitabi yesu buzuba boonse, kutu sukuma akutu tonta akutu bamba kuba amiyanda mibotu akukomena kusakana ansi. Sa eco tacili cibotuloko? “I cizibyo ca lufutuko lwesu.”

⁸⁶ Lukono lwesu lwaka sweeka, eci chipati cila yubununa. Lukono lwesu lwaka sweeka lwaka tamininwa alimwi kwinda kuli Sikamukowa wesu, siluzyalo muyandisi. Obo Leza mbwa kaseluka a kuba . . . kacinca cizwato Cakwe kuzwa kuli Leza alimwi wakabambwa kuba muntu, kutegwa abe muntuni, kuba Sikamukowa Munununi, ku kunununa inyika ya kunyama ku bantu bakunyama. Ameni! Obo Leza oyo (Cigambyociinda) wakaba cakunyama kuba Sikamukowa, nkaambo Ta kakonzya kusampaula milao Yakwe Mwini. Wa kacita kusika kwinda kuli- . . . sikamukowa munununi nkaambo eyo nje nzila Mbwa . . . eyo nge makanze Akwe. Eyo nje nzila Mbwa kacicita.

⁸⁷ Leza mukuziba kuti muntu uyoowa, nekubaboobo Ta kakonzya kubamba muntu kuwa. Leza mukuziba kuti muntu uyo sweeka, nekubakuti Ta kali kuyanda muntu uuli oonse kuti asweeke. Pele kutegwa kutondezegwa oko kupati kwa bube bwa Leza kabu yubululwa ku muntu oonse, kuti Wa kali kukonzya kuba Munununi, Wa kali kukonzya kuba Mufutuli, muntu wakacita kuwa. Cakali muli nguwe kuwa, mpawo cakali muli Leza ku munununa alubo. Oko nku- . . . twe elede kuba a ciindi

camasiku, ku kubamba ciindi ca buzuba kabotu. Twe elede kuba a malwazi, kutubamba kubotelwa nsebambotu. Zintuzyonse, bubotu a bubyaaabi. Lino, a Sikamukowa wesu Munununi. . .

⁸⁸ Lino, Ndi yanda kuti mubone awa. Ndi langide ansi eni kuli eci chipati ca 5, cindi naka cilanga, “Uta yoowi!” Mu kampango aka ka 5, “Uta yoowi!” Mwabona, okuya lyoonse. . . To yandi kuyoowa kujatikizya cintu cili coonse.

. . . umwi wa baalu wakati kuli ndime, Uta lili: bona, Mulavu wa mukowa wa Juda, Muyanda wa Davida, wa zunda kujula bbuku, a kunamatula zinamatizyo zili ciloba zya ndilyo.

. . . elyo, kalanga, kabona, mu i. . . bona, akati ka cuuno cabwami a. . . banyama bone, . . . akati ka baalu, kwakaimwi Kabelele. . .

⁸⁹ “Ii Kabelele.” Nkaambonzi nca takabona Kabelele? I Kabelele wakali kkedede aa Cuuno cabwami ca Taata, mukati i—i ka balindizi. Johane taka konzya kubona omuya, wa kabona biyo abo ba mitwe yone. . . na abo banyama bone kabaimvwi alya, na abo ba Kerabimu bone kabaimvwi alya kaba kwabilila Busena Busalala. Elyo twa ka ujana Munsondo mwakainda, a mu ziiyo zimwi, nzya kabona pele ta kakonzya kubona eco cakali kwiindilila ceeco. Elyo omuya, mpoonya buyo, mpaawo kwakaboneka. . . buyo camaseseke, cakubinda, kwakali Omwe, Kabelele.

⁹⁰ Lino, kutondezya kuti Tii wakali munyama wakunyama, kabelele, nkaambo Wa kabweza Bbuku kuzwa mu janza lya lulyo lya Nguwe oyo waka kkedede aa Cuuno cabwami; kabelele taka konzya kucita ceeco, mwabona. Wa kali—Wa kali—Wa kali Kabelele, wakali Kristo. Mu majwi aambi, mu bube Bwakwe Wa kali silubombo a sibuyaya mbuli mwanambelele.

⁹¹ Lino, amubone, wa kali Kabelele Munununi, Kabelele Munununi mbuli buyo mutaanzi. Leza ta kakonzyi kucinca! Amen! I munununi mutaanzi wakali kabelele, mu muunda wa Edeni, kakali kabelele ako Leza nka katuula. Elyo nceeci alubo, kusakana omuya mu Ciyubunuzyo, ngu Kabelele alubo. Ku nununa nzi? I ciimo cakawa a lukono lwakawa ilwa mukowa wakawa wa bantu. Ii Kabelele kajokela kuzonununa, mbuli zyesu mbo zya kabede ku matalikilo, ku kutunununa.

⁹² Ku nununa nzi? Ino Uyo tunununa nzi? Ku pasauka. . . kucileta ku. . . Kufumbwa cintu eco cakanununwa ncintucimwi eco caka sweeka. Ncintu cimwi caka sweeka elyo mpawo cajosegwa alubo. Ino ncenzi Nca josya kuli ndiswe, oyu Kabelele? Zintuzyonse nzo twa kajisi ku matalikilo.

⁹³ Ino twa kajisi nzi ku matalikilo? Buumi Butamani. Twa kali baswaana ba inyika. Twa kajisi Buumi, tii twa keelede kufwa. Tii twa keelede kuciswa. Tii twa keelede kucembaala.

Tii twa keelede kulibilika kumwi. Oko bafubaazyza, taakwe zyuumbwe, taakwe bubi, taakwe lufu, taakwe masusu amvwi, taakwe makuko adiimene, taakwe koomoka, taakwe kulila. Twa kajisi Buumi, Butamani! Twa kajisi bwami ku nyika yoonse. Twa kali kaleza buyo (kwa mana) aa nyika; kweenda koonse, elyo ikuti na cisamu eci tii cakali bonya kabotu kaciimvwi awa, inga twaamba kuti, “Kozyuka yebo akubikkwa awa,” elyo inga ca cicita. I myuuwo yakali kuunga, tii twa kali kuyanda myuuwo kulila, “Luumuno, kaluciliko,” nkabela caka cicita. Elyo ncinzi Nca kaboolela kucita? Ku nununa zyoonse ezyo kujokela kuli ndiswe alubo (Oh, oh, oh, oh, oh, ma!), ku josya zyoonse ezyo alubo.

⁹⁴ b Elyo lino bulenge muli lwaco bula tongela, kulindila nzi? Luyubunuko lwa bana ba Leza, ku bana ba Leza ku yubululwa.

⁹⁵ Elyo tuli jisi cizibyo ca lufutuko lwesu lino, alimwi inga twa bweza mukwesu wesu oyo uli mukufwa ku kkulenge, a kwiima a kuyoya oko kuniini kwa lununuko, a kukomba mupailo wa lusyomo oyo uyo sandula cimvule ca muntu kujoka ku muntu wanseba mbotu alimwi; ino tuyo cita nzi cindi lukono lwesu luzwide lwasika? Ameni!

⁹⁶ Bulenge bulizi obo. Bulenge bula tongela alimwi tula tongela kuli nkuko. Bulenge bulindila luyubunuko lwa bana ba Leza, nkaambo bulenge bwaka singanisigwa a simalela wabo. Cindi simalela wakwe naka singanisigwa (aatala maningi), mpawo bulenge bwakawa a simalela. Pele cindi oyu Sikamukowa Munununi nakasika (Aleluya!) a kunununa muntu oyo ngu simalela ku bulenge. Mpawo bulenge boonse bulindila muntu, simalela.

⁹⁷ Ino tu cite nzi? Bweza kaleba aku kabikka mu maanza esu a kutenda cisamu kuyaansi ikuti na tula yanda; pele buzuba obo ta tukaciti ceeco. Ameni!

⁹⁸ Bulenge boonse bulindila simalela wabo. Elyo simalela mbana ba Leza abo baka pegwa nyika eyi. Lino, Leza uyooba a majulu Aakwe, mubwini, pele eci caka pegwa ku muntu. Elyo Sikamukowa Munununi wakaboola kuzo tunununa kujokela kuli ceeco nco twa kasweekelwa. Obo mbocili cibotu! Ma! Ndi yeeya buyo kuti eco . . . “Ii Kabelele Munununi.”

⁹⁹ Cindi mulimo wamana, tuli jisi zintu zyoonse alubo. Ino musyobo nzi wa zintu zyoonse? Tuli jisi nguzu zyoonse. Tu jisi Buumi Butamani. Tu jisi nseba Iitamani. Tu jisi bukubusyi Butamani. Tu jisi nguzu Zitamani. Oh, tuli buyo Butamani a Butamani! Elyo, mpawo, toonse tula lindila ciindi eco kuboola, kulindila a kutongela, kulindila.

¹⁰⁰ Elyo eli Bbuku lya zipanzi zili ciloba lya mabambe aa lununuko ali ciloba lyaletwa kuli ndiswe, alimwi nce ncico eli Bbuku ncoli jatilide. Lino, tuyo sika okuya mu cipati 10 oko oyu Angelo singuzu nkwa kaambilizya cintucimwi eco . . . alimwi Wa

kajisi Bbuku liniini eelyo Johane ndya keelede kulya. Elyo cindi na kacita, wa kalilya kuya mwida lyakwe nkabela lyakali kulula, pele mu milomo yakwe mwakali kulweela.

101 Cindi wayandika ku Li tamfunya, mpawo litalika kulula, bantu boonse bala kulwana, bantu boonse kaba mwaambila “Uli mubumbulusi uusalala, uli *obu, obo*, na *bumbi*.” Mwabona? “Yebo uli—yebo uli—yebo uli nyongene mu mutwe wako.” Aboobo nciyumu ku Li tamfunya; pele cindi wano lungulula Bulemu Bwakwe, Lila lweela mu milomo yako. Kwa mana. Mwabona? Elyo cindi waima mu muswaangano, yebo wati, “Bulemu kuli Leza! Alelu-...” Oh, cindi wainda mu kusaalwa oko kupati, kwalo nkuyumu; pele mpawo cindi wazwa mu kusaalwa oko kupati mpo konzya kupa bumboni kuli mbubo, mpawo Ncibotu mu milomo. Mwabona? Mbo mbubo. Eelyo ndi Bbuku eli lya lununuko.

102 Lino, lino, tu yanda kupa bupanduluzi bumbi buniini mu kampango ka 5 awa, elyo mpawo tuyo talikila aa...kujana kampango kesu ka 6 a kutalika kweenda. Lino, Ndi yanda kuti mubonesye mu bukanze bwa lununuko obo Leza mbwa kaccitondezya ku cimvule, Wa kacibeleka cakulondoka muli Rute a Boazi. Ndi...Mpe mpawo mpo twa kagolela Munsondo mwainda. Lino, Ndi yanda kutalika mpoonya awo lino, sunu, ali Rute a Boazi.

103 Lino, kuli zibeela zyone, na, maswaanino one muli Rute a Boazi. I citaanzi ngu Rute *kasala*. Mbangaye bakasola kumvwa i...mebo kukambauka mulumbe? Atu bone maanza anu. Ndi lizi...Ee, nyoonse nywebo, Nda yeeyela. Nda kali cijisi okuno, alimwi kali cijisi aa matepeu azimwi zimbi. Rute, lutaanzi, waa kacita *kasala* naa waa kali kuunka mu cisi eci, na pe, a Naomi. Waa kacita kubamba muzeezo. Mpawo nakamana kusika okuya, cintu citobela nca kacita *nkubeleka* mu muunda wa Boazi; kubusena okuya, katasamide mabbusu, kavululwida kunze lya basikutebula, kabakutauka. Elyo mpawo nakamana kujana luzyalu mu busyu bwa Boazi, mpawo waa kacita *kulindila* mane Boazi wakacita busikamukowa munununi, ku kujosya zyoonse Naomi nzya kasweekeledwe kutegwa kuletwe muli Rute mukati, muna Moabu. Elyo mpawo cibeela citobela, kwalo—kwalo Rute *kalumbulwa*.

Lino, amulangilile. Rute, *kasala*, cakulondoka...

104 Oh, kufumbwa muntu wati “eelyo Bbaibbele teelya kananikwa,” kuli cintucimwi cilubide kuli mbabo. Lyoonse Ijwi lya Ndilyo lili nanikidwe, Ijwi lyoonse lya Ndilyo lila njilana kabotu antoomwe mbuli buyo kunjilana kabotu aa ii—aa ii—aa cipulanga. Cila unka antoomwe kabotu mbuli meno a mwili pati lizunguluka, kabikkwa ku ciindi ca mamilioninithi a kavwalu, kabotu buyo ncobeni.

105 Lino, amubone muli ceeci lino, Rute, *kasala*, waa keelede kusala naa waa kali kusala kwiinka okuya nape. Waa kacita kubamba muzeezo. Lino, eyo nje nzila musyomi oonse njaelede kucita. We elede kusiya kupenzegwa kwako kwakale, weelede kusiya buumi bwako bwakale, we elede kusiya zintu zyakaindi—zyakaindi zya inyika.

106 Mukwesu Roy, sa Mucizi Roberson ula ciswa? Oh, Nda kayeeya buyo kuti ambweni waa kali cisidwe na cintucimwi. Nda kali kuyanda kwaamba kumuleta atala awa ikuti na waa kali cisidwe na cintucimwi.

107 Ba kacita kusiya kupenzegwa kwakaindi kwa buumi, na cintucimwi mbuli ceeco, a—a kulanduka omuya mu nyika mpya, a bantu bapya abo mbotana ziba. Sa eyo nco kacita, wa kaba Munakristo? Wa kasiya kaanda ka puutebbo, wa kasiya mamaiti kkilabbu. Wa kacita kuboola mu cikama ca bantu abo bakali kulibonya mbuli kuti baka jisi kasuntu, ba kafwaba a kuzungaana a kulila, a kuzungaanya mitwe yabo a kusotoka mujulu aansii, elyo, baa—baa, ya kali ii—ya kali ii—ii—ii “nkamu iisondokede” kuli nduwe. Aboobo waka cita kubamba muzeezo naa inga waunka na pe. Mbo mbubo. Elyo wakalizi kuti cindi noka cita, bantu bako beni bakali kuyanda ku kufubaazya, bamwi mbo kasiya. Mbo mbubo na? Oko kula licitikila ncobeni. Yebo buyo . . . beelede kulangila eco kukutalika, nkaambo eyo nje nzila mbo cibede.

108 Lino, Rute waka jisi cintu nciconya. Ncinzi ba Moabu ncoba kalino mwaambila cindi naka zabuka kuya ku Israyeli, ku nkamu ya basikwiindilizya? Mwabona, waa kacita kubamba muzeezo. Waa kacita kusala. Elyo weelede kusala. Elyo, kumalekelo, cindi naka bamba muzeezo wakwe, waa kaunka mu i—i nyika mpya.

109 Lino, oko nkululamika. Sa mbo mbubo? Lino, amulangilile Mbungano eyi. Oh, ili londokede.

110 Nywebo mulizi obo mbotu . . . Mbangaye banu bakamvwa *I Lunyungu Iwa Abrahamu* cindi Ne kakambauka ali ceeco? Obo *kululamikwa, kusalazigwa, lubbizyo Iwa Muuya Uusalala*. Lino, amubone naa eci cili luleme na pe.

111 Rute, kabamba *kusala* kwakwe, cikozyanyo ca Mbungano, Mbungano ya Bamasi. Waa kabamba muzeezo, a kuzabuka kuya mu nyika. Lino, ziindi zinji, swebo tobana Methodisti a Baptisti, tu yeeya kuti nku koonse nkoelede kucita. Waa katalika buyo! Ta kalina inka kuli koonse, waa kazabuka buyo mu nyika.

112 Lino, cintu citobela nca keelede kucita, waa kacita *kubeleka*. Waa kaba simulao. Waa kacita “kubeleka lufutuko lwakwe mwini a buyoofu a kukankama” mbuli mbo kacita. Waa kaunka mu muunda a kumusamika zisani, a kwiinka mu muunda kuya kuvululwida musule Iya basimbi kutegwa kaba kkwanya cakulya ca buzuba. Mbo mbubo na? Ncinzi nca kali kucita? Waa

kali kusola kujana luzyalo kuli Boazi. Aboobo waa kabeleka nzila yakwe kwiinda mu ciimo ca busitulaolao.

113 Elyo ncencico ncobeni Mbungano ncoya kacita. I ba Luther baka Ci syoma kwiinda ku lusyomo a kuboola mu nyika. Pele Methodisti yaka yiisya kusalazigwa, obo bwakali bulanganye bwa tulaolao bwa Ndilyo, mwabona, “We elede kucita cintucimwi.” “Nde elede kuleka! Nde elede kulekela masusu angu kulampa,” kaamba banakazi. Mubwini, taba ciciti limbi; pele ba—ba kacicita, kulekela masusu abo kulampa. Ba kacita kuleka kusama kunana misila ku masyu abo. Tiiba kasama misinsi yabo—yabo iilubide alimwi—alimwi, na, tubbudula mbuli bamwi mbo bakacita. Ba kacita cintucimwi. Mwabona? Nce ncico nca kacita, ciimo ca kululamikwa, ciimo ca kusalazigwa.

114 Lino, cindi kumalekelo na kajana luzyalo kuli Boazi, ncinzi cakacitika? Mpawo Naomi waka mwaambila, “Ko *lindila* awa kuciindi Boazi nabeleka mulimo wa sikamukowa munununi, nkaambo ngo umwi luzutu uukonzya kucicita. Ngu sikamukowa wesu munununi uccilila, alimwi kolindila buyo awa. Uta tainki limbi mu myuunda mu masena. Uta citi *eci*, *eco*, na *cimbi*. Lindila buyo kusikila sikamukowa wabumunununi azulizye.” Elyo waa *kalyookezya*. Amen!

115 Obo mbombubo Mbungano mboya boola mu cibeela eci camamanino ca Pentekoste. Mwabona? Ku matalikilo aa Pentekoste boonse baka beleka koonse elyo ba “kacita *eci*,” alimwi baka bazunganya a zintuzyonse zimbi. Lino ino Mbungano icita nzi? I Mbungano ila *lyookezya*. Niinzi Kulyookezya? Nceeci we, *Kulyookezya* wali i “Muuya Uusalala,” buzuba bwa *sabata*. (Iba Seventh-day Adventisti bayanda ku twaambila, nywebo mulizi, kujatikizya kuba sabata ya buzuba bwaciloba na cintucimwi mbuli ceeco.) Mu ba Hebrayo capita 4, kati, “Swebo ni twa njila mu *Kulyookezya* Kwakwe twa leka milimo yesu mbuli Leza mbwa kacita kuzwa kuli Yakwe.” Aboobo *sabata* Muuya Uusalala.

116 Elyo cindi Rute nakali ku *lyookezya*, cakali cikozyanyo ca Mbungano kailyookezya mu zisyomezyo zya Leza! Tu jisi cizibyeno eno ca lufutuko lwesu. Ta tuli biliki naa twiinka kokuya na pe, tuya kuunka! Mbo mbubo. Leza wakaamba boobo! Leza waka cisyomezya alimwi tuli jisi cizibyeno (Ameni.), kamana kutambulwa, Kristo waka tuzumina. Taakwe nzila yakuzwa kuli Ndilyo lino, tuli kokuya! Amen! Koonse nko tweekede kucita nku lindila buyo mane i . . . Wa bweza . . . Uli kunselelo kacita zya Sikamukowa Munununi. Tu jisi cizibyeno ca ncico ndyoonya lino, kulindila ciindi Na jokela.

Elyo mpawo cintu citobela Rute mbwa kabede, Rute wa kapegwa *bulumbu*.

117 Eco ncencico Mbungano ncoya kacita. Ya kanjila mu kululamikwa, kungsi lya Luther. Ya kanjila mu kusalazigwa, kungsi lya Wesley. Kanjila mu lubbizyo lwa Muuya Uusalala, mu mazuba aya aakumamanino. Elyo lino ka *lyookezya* a cizibyo ca lukono lwesu eco nco tuzi kuti cintucimwi cacitika muli ndiswe, twa kazwa ku lufu kuya ku Buumi, a kulindila, kutongela a bulenge, ku ciindi eco nco tuyo tambula Buumi butafwiki, buzule butafwiki; mibili yesu iyo nununwa. Zintuzyonse zya nununwa, alimwi tu lindila buyo kuzwa kuli Nguwe kubweeda kuzwa ku mulyango. Ameni!

118 Mpawo ninzi? Rute wa kapegwa *bulumbu*. Nce cindi notuyo pegwa bulumbu. Eco ncencico eli Bbuku linamatikidwe a zinamatizyo zili ciloba nco liyo tujulila. Ino ezi zintu zili buti? Alo maseseke. Taa lembedwe mu Ijwi, zyeede kuyubununwa ku Muuya Uusalala; pele ikuti na mwalangisya, mubwini, ala yubununwa muciiindi coonse kwiinda mu Magwalo pele akasiswa kuzwa ku bantu. Cindi twa boola ku kwiitwa kwainda kaindi, mula bona nzila mbo caka bambwa, mpawo mula ziba nzila zintu mbo zijuka.

119 Lino, iiyi, ka *lyookezya*. Eco Rute kungsi lya kululamikwa . . . Sena mwa cibona, amwaambe “Ameni.” [Mbunga yaamba, “Ameni.”—Mul.] Rute kungsi lya kusalazigwa, *kubeleka*, situlaolao. Rute, ka *lyookezya*, kalindila Boazi kubweeda kuzwa ku mulimo wakamana.

120 Lino, Boazi wesu wakamanizya mulimo ku Kalivari. Pele Ka tana boola kututola ku Muunzi Wakwe, Ula unka ku Muunzi lutaanzi (muli Johane 14) ku kutubambila busena. Bulemu!

*Yalo myoyo yanu itapengi: ikuti na mula syoma muli
Leza, amu syome amwalo muli ndime.*

*Mu ng’anda ya Taata wangu kuli makkalilo manji:
ikuti ni caatali boobo, ni Nda kamwaambila. Pele Ndiyo
unka kuyo mubambila busena.*

A . . . kubweeda *alubo*, ku *zomutambula* . . .

121 Mwabona, Boazi waselemuka, ncinzi nca kacita? Wa kaselemuka, kaimvwi . . . kabweza baalu a kuunka kumbele lya mulyango, kasamununa bbusu lyakwe, a kuti, “Aku zibwe sunu kuti Ndi nununa Naomi a lukono lwakwe loonse.” Wa kajana muna Moabu a ncico.

122 Elyo cindi Jesu nakasika, ino Wa kabolela kunununa bani? Israyeli. Ino Wa kacita nzi mu kutola Israyeli? Wa kajana Nabwiinga wa Bamasi. Masimpe, Wa kacita, cindi Na kabweza Israyeli. Wa kaunka . . . Elyo Wa kaunka kuli Bakwe Beni, Wa kacita. Ino cakali cintu nzi citaanzi Nca keelede kucita? Kunununa Bakwe Beni. Elyo Mbungano ya Bamasi mucizi buyo ku mwanakazi oyo, mbungano ya Israyeli. Nincobeni! Aboobo

Wa kacita kunununa Israyeli kutegwa ajane *Ceece*. Elyo wa kacita kunununa Naomi kutegwa ajane Rute, nabwiinga wakwe.

¹²³ Lino, ino wa kacita nzi? Katana konzya kumutola. . . Oh, bulemu! Fyuu! Ino wa kacita nzi? Wa kaunka ku mpulasi, Ndi yeeyela kuti wa kapenta zintuzyonse koonse nkabela wa kabikka tukkapeti tupya aa cibuye. Oh, kwayanda—kwayanda wakayaka ng’anda mpya. (Mu kaambo kesu, ni Ng’anda mpya.) Elyo wa kalibambila mu zintuzyonse, alimwi mpawo wa kajoka kasamide kakata ka malubaluba ka mucado. Ameni!

¹²⁴ Ino Rute wakali kucita nzi? Taakwe cintu comwe. Kulyookezya! Kulindila! Takucikwe kufwaba, takucikwe kunyongana!

¹²⁵ “Sena Nde elede kuba muna Methodisti? Sena Nde elede kuyo sangana Baptisti? Sena Nde elede kuba muna Presbyteria?” Peepe, munene, kobweza buyo Muuya Uusalala a kulyookezya. [Kabeela katakwe cintu aa teepu—Mul.]

Tu langilila kuboola kwa buzuba obo
bwakukkumana ibwa Mileniamu, (Bulemu!)
Cindi Mwami wesu uulelekedwe nayo boola a
kukwempa Nabwiinga Wakwe ulindila;
Oh! Nyika ilatongela, kulilila buzuba obo bwa
kwangululwa kubotu.

Zyoonse zyaco, bulenge bulatongela, matu aa mukuyu, zintu zyoonse zilindila buzuba obo bwa kwaangululwa kulelekedwe, cindi Sikamukowa Munununi ajokela a kubweza Nabwiinga Wakwe.

¹²⁶ Lino Uli mukulyookezya. Kungsi lya kusalazigwa? Peepe. Kungsi lya kululamikwa? Peepe. Pele kungsi lya konse *kululamikwa, kusalazigwa*, a muku *lyookezya*.

¹²⁷ Lino, Isaya, cipati 28 a kampango ka 18, Lila amba:

. . . *mulao weelede kuba aa mulao, . . . kabala atala a kabala, . . . awa kuniini, alimwi awo kuniini*: kujatilila kuli ceeco cibotu.

Nkambo a milomo imamauka a milaka imbi kwalo Njo *kananina bantu aba*.

. . . Alimwi *nku nko kulyookezya*, eyi ni sabata . . . eci nce cindi Mbungano niinjila mu kulindila.

¹²⁸ Amulange nzila mbo tuboola kwiinda mu kululamikwa, kusalazigwa, lino mu lubbizyo lwa Muuya Uusalala: kulyookezya, kulindila. Inzi? Elyo lino, lino, cindi twa sika ku ziyubunuzyo ezi muyo bona mbo cibede lino. Mwabona? Obo kuti buyo. . . Ezi zintu tii zya kakonzya kuyiisigwa kusikila buzuba obuno. Tii zya, tii zyakali kukonzya kuyiisigwa. Tii zyaka jukide ku bana ba bantu. I Bbaibbele lya kaamba boobo. Nda konzya kumutondezya awa mu Lugwalo kuti lwa kaamba kuti inga ta cikajulwi kusikila (bana ba bantu), kusikila buzuba

obuno. Elyo lino tu cimanizya aa zintu ezi zipati zilelekedwe. Lino. . . Yaa.

¹²⁹ I kampango 6. . . Na cibeela ca 5, mwaalu mu kampango ka 5 wakali luleme cindi na kati, “Amubone, Kabelele!” Pele, cindi na kalanga koonse, wa kabona Mulavu. Wa kali Mulavu mubusena bwa Kabelele. Pele mpawo cakali cinzi? Mulimo wakwe wakwiimaakati waka citwa, cakwiimaakati. Wa kali. . . kaleka kuba Sikwiimaakati ku mamanino aa bukkalo bwa Mbungano, kuba Mulavu wa mukowa wa Juda, mulimo Wakwe wakwiimaakati waka citwa. Elyo Wa keelede kuba Mulavu oyo wakali Mubetesi, lino, elyo Wa kabweza. . . cindi Na kabweza Bbuku kuzwa mu janza.

¹³⁰ Lino, amuyeeye, cindi muntu nakainka kunununa (Muta cilubi, lino.), cindi muntu nakainka kunununa, wa kabweza bantu a nguwe a kuunka ku milyango ya munzi, mukuba baalu, elyo okuya wa—wa—wa kaambilizya bukanze bwakwe bwa kuba kokuya. Nce ncico nca kacita, wa kaunka ku mulyango, kati, “Ndili waano ku kuli taminina lwangu mbuli sikamukowa munununi a ku lukono olu, elyo Ndili waano kuli zibya lwangu kumbele lya baalu aba iba munzi.” Mwabona?

¹³¹ Elyo cindi i. . . Johane wakalila. Lino, umwi, mbuli Mbwe kaamba mvwiki yainda, ba kati, “Johane wakalila nkaambo ta kakonzya kujana umwi weelela.” Tee kwakali boobo. Muntu uli kungsi lya koongelezegwa kwa Muuya Uusalala inga ta lilila ceeco. Kayeeya kuti, “Nkaambo kakuti ta kali kweelela,” ndiza Johane lwakwe takali kweelela. Taakwe muntu wakali kweelela. Pele ta koomoka nkaambo ka ceeco.

¹³² Nda syoma wa kali kulila nkambo ka lutangalo nkaambo kakuti wa kabona bubambe boonse bwa lununuko bwa kalembwa mu Bbuku eli awa. Tii kakali kaambo kakuti kwakanyina muntu wakali kweelela, nkaambo, mpaawo kwakaimvwi Kabelele mpoonya alya wakali kweelela. Aboobo wa kali koomoka, ngooyo wa kati, “Oh, bulemu kuli Leza!” Amu muswiilile cigaminina cindi naunka koongolola. Lino, pele tula mujana awa koomoka nkaambo kakuti wakali kkomene kapati nkaambo kakuti Kabelele waka bweza Bbuku nkambo i. . . kuzwa ku janza Lyakwe oyo waka kkede aa Cuuno cabwami.

¹³³ Elyo mbwa kabambila buyo. . . Cindi oyu Angelo, oyu Angelo singuzu, wakoopolola “Nguni weelela?” wa kali kuzibya mpoonya awo, wa kali kuzibya Sikamukowa Munununi. Elyo mpoonya biyo musule, wa kati, “Nguni weelela ku bweza Bbuku?” Mpawo cintucimwi. . . Mpawo Johane wakatalika kulila. Mpawo ncinzi cakacitika? Wa kabona, mpaawo kwa kaimvwi Bbuku. Nceeco Mbo cakabede, pele nguni wakali kweelela?

¹³⁴ Ee, mpaawo kwakaimvwi Gabriyeli, mubwini, wa kali kweelela; pele, mwabona, ta kali muntu, alimwi wa kali Angelo.

Elyo mpaawo kwakaimvwi Mikayeli, wa kali kweelela; pele ta kali muntu, wa kali Angelo. Aboobo ca keelede kuba muntuumwi wakaba muntu waansi mbuli mbo twa kacita. Elyo mpawo cindi na kabona Kabelele aka kakajaigwa kuzwa ku malengelo aa inyika, kalibonya, elyo wa kabona kuti Wa kajaigwa lweendo lonse kuzwa ku malengelo aa inyika, mpawo Johane wakalila. Ameni! Nkaambo nceeco we, wa kabona cintu coonse. Mwabona?

¹³⁵ Elyo mbwa kazibya buyo “Nguni weelela?” wa kazibya kuboola kwa Sikamukowa Munununi. Elyo mpaawa Wa kaima, Kabelele. Elyo ncinzi Nca kacita? Keenda kuya ku Cuuno cabwami oko Muuya wa Leza nkowa kabede, a kubweza Bbuku kuzwa ku janza lyalulyo Lyakwe oyo uukkede aa Cuuno cabwami. Elyo boonse baalu baka wida ansi a kuti, “Yebo uleelela nkaambo Wa kajaigwa.” Mwabona? Elyo mpawo Wa kaba mpawo. . . Bbuku Lyakwe, na nokuceya Bbuku lya lununuko, na—na Bbuku lya nkombelezyo mu bukkalo bwa Mbungano lyaka manizigwa, lino Wa ba Munununi.

¹³⁶ Lino, kuyubununa nzila Mbwa kacicita kuyooba mu Zinatizyo ezi zili Ciloba. Lino, tula bona mu i. . . mbuli cindi Bbuku lya mulimo wakwiimaakati Wakwe niwa kacitwa, mulimo waka manizigwa, lino mu zipati zitaanzi zyoatwe zya Mbungano, zyamanizigwa. Pele lino lununuko, lununuko lweelede kuyubununwa. Ino ncinzi? Lino, cindi Na kabweza eli Bbuku. . . Lino, soleka kubikka aa kuyeeya kwako kusakene, nkaambo, tusola kubweza masiku aya ali ciloba, mula—mula ci mvwa lino.

¹³⁷ Ikuti na tocimvvisyi, tambika buyo janza lyako, kwaamba, “Nse—Nse cimvvisyi,” mwabona, amulange, nkaambo Ndi yanda kuti mube masimpe lino.

¹³⁸ Lino, amubone “Lununuko.” Kumane, mpoonya biyo Nkombelezyo Yakwe niyakamana ku Mbungano, mpawo Ula liyubununa Mwini mbuli Sikamukowa Munununi. Mula citobela eco lino na? Elyo lino Uyo yubununa ku Mbungano nzila Mbwa kacicita. Elyo mpawo ikuti na ciyubunuzyo eci catalika kale, mpawo eco citondezya kuti tuli ku mamano aa lweendo. Ameni! Lino, mula bona buyo na Eci. . . naa Cili luleme na pe, mbuli mbo tuunka kwiinda mu Lugwalo awa.

¹³⁹ Tu jana kuti: Ncinzi cakali kuyubununwa? Ino ciyubunuzyo ca lununuko, mbobuti mbo twa kanununwa? Amulange buyo awa mu myaka eyi misyoonto yainda eco cakacitika: ciyubunuzyo ca Zina lya Jesu mu lubbizyo lwa maanzi, ciyubunuzyo cakubula gehena Iitamani, taakwe noya kazibwa kakatanaba (kuyeeya kuti bayandwa bako bayooba ba Butamani). Mwabona?

¹⁴⁰ Elyo tokonzyi kuba a Buumi Butamani citakuti waka futulwa. Uli jisi Buumi Butamani, mpawo tokonzyi kuumpwa

mu gehena nkambo ka Butamani. Uyo subulwa nkambo ka zibi zyako a buumi bwako bwakunyama, pele tokonzyi kuba a Buumi Butamani mu gehena. Ikuti na ujisi Buumi Butamani, nkokuti tokonzyi kupya kwalyonse nkaambo kuli biyo musyobo omwe wa Buumi Butamani. Elyo Ndili masimpe Mbungano ilamvvisya eco.

¹⁴¹ Lino, ino ncinzi? Zintu nzi zimbi? I bubambe bwa lununuko. Amulange buyo eco caka pegwa kuli ndiswe calino kwiinda ku Muuya Uusalala, mwabona: Lunyungu lwa Abrahamu, eco ciyubunuzyo nco cakali kwaamba.

¹⁴² I lunyungu lwa nzoka. Mwabona Bbuku eli lya Ciyubunuzyo? Amulangilile cindi twa sika kuli ncico, obo mbo cidonkola. Elyo Nda kacitondezya mpoonya awa kwiinda ku Lugwalo, obo Mbwini ncobeni. Nda jokela kulaale mu Ciyu-. . .na, kujokela kulaale ku Matalikilo a ku cibweza a kutondezya cindi eco cinamatizyo nicaka julwa caka jokela moonya mu Bbaibbele, kuzwa ku Matalikilo kusikaku Ciyubunuzyo.

¹⁴³ Amuyeeye buyo, kuzwa ku Matalikilo kusikaku Ciyubunuzyo kwakanyina muntu waka bbizigwa mu zina lya “Taata, Mwana, Muuya Uusalala.” Ndu bapatizyo lwa bubeji! Nda kaima kumbele lya bakambausi bali myaanda yotatwe a bakambausi ba nkamu mpati ya bakambausi mu Chicago buzuba bumwi, a kutondezya eco kusikila boonse bakalilila kuli umwi aumwi. Makumi ali ciloba aa mbabo baboola kubbizigwa mu Zina lya Mwami Jesu.

¹⁴⁴ Elyo lunyungu lwa nzoka lwakazwa ku Matalikilo! Ikuti na nzoka tiiya. . . ikuti na taka jisi lunyungu, nkokuti Kristo taka zyalwa; nkaambo Wa kati, “Njo bikka nkondo akati ka Lunyungu lwako a lunyungu lwa nzoka.” Elyo ikuti na lunyungu lwa nzoka lwakali kaano kabuyo aboobo Kristo wakali kaano kabuyo, mbubonya Mbungano nkaano kabuyo, mwabona nku koonse, to konzyi ku kwaandaanya. Nzoka ya kajisi lunyungu, alimwi olo ndo lumwi lubakacila kumvvisya. Nkaambonzi taba cimvvisyi? Nkaambo taba jisi ciyubunuzyo ca ncico.

¹⁴⁵ Nkaambonzi taba booli a ku cikazyanya a ndime? Cikambaukilo cili jukide ciindi coonse, Njo swaana uli oonse. Inga nsekazyanya ambabo, pele masimpe Inga nda cibandika ambabo, ikuti na bayanda. . .Nda kababuzya nkoonya kuya kumbele lya nkamu. Ndi yanda bamwi banu kundaambila awo mpo cilubide! Uta imikili mu kkona a kwaambaula zya ndime, kujatikizya ncico, boola ku busyu bwangu a kwiima. Atu—atu jane cini, atu boole kuno a kubona oyo ululeme a ulubide ali ncico. Pele taba kacibeleki. Mukasimpe, ba lizi kabotu. Mwabona?

¹⁴⁶ Nkaambo, kutali ndime, pele walo Muuya Uusalala, nguonya Angelo wa Leza oyo ngo mubona. Ino kujatikizya mazuba aya okuno cindi zintu ezi zyoonse nizya kacitika, alimwi oyu Angelo

wa Mwami kaimvwi muni? Inga nse ziba zintu ezi, pele ndi oora, cili waano. Cindi twa manizya eyi Myuuya ili ciloba, meja ali ciloba, a zintu, sunu, ikuti na Mwami wayanda, muyo bona mpo cibede. Ndi—ndi oora ndyo tubede ezi ziyubunuzyo nozyeelede kusika. Ndi Bbuku lya ziyubunuzyo, kuyubununa Jesu Kristo. Elyo twa kajana kuti, chipati nciconya citaanzi, Wa kayubununa obo Mbwa kabede. Elyo lino Uli mukujana Zinatamizyo zili Ciloba, kuyubununa nzila Mbwa kanununa nyika.

¹⁴⁷ Elyo umwi wabo wakali wa Zina lya Jesu Kristo. Umwi wakali kugusya kuyoowa kuzwa ku bantu, mbuli: Lununuko, Lutamani Lutamani, kululamikwa ku lusyomo, kusalazigwa, lubbizyo lwa Muuya Uusalala. Elyo ninzi? Kuti na tuli kukwabililwa Cabutamani, kugwisya kudonaika koonse kuzwa ku bantu. Ikuti na ujisi cizibyo ca lufutuko lwako, Leza wakaku namatika kale ku buzuba bwa lununuko lwako. Baefeso 4:30 ilati:

. . . muta penzyi Muuya Uusalala wa Leza, kwiinda kuli nguwo nywebo mwakaandwa mane ku buzuba bwa lununuko lwanu.

¹⁴⁸ Lino, mbobuti mboya—mbobuti mboya kuwa? Inga wawa, pele to konzyi kusweeka. Elyo ikuti na wakkala mu ciimo eco, caka tondezya kuti toka Ci jisi ku matalikilo. Pele ikuti na uli mwana wa Leza, “I mukombi wakasalazigwa lomwe ta cijisi limbi manjezeezya aa cibi,” mbo lyaamba ba Hebrayo. Obo mbwini. Aboobo to konzyi—to konzyi kuba Munakristo, to konzyi kuba a Muuya Uusalala a kuzuzila a kupona mu nyika. “Ikuti na uyanda inyika, zintu zya inyika, luyandisyo lwa Leza taluli muli nduwe.” Aboobo uswiilila buyo ku kumvwika kwa bubeki kubusena bumwi, dyabulosi waka kujata koonse. Pele ikuti na walangalanga buumi bwako ku Ijwi lya Leza alimwi citondezya kuti uponena moonya mu mapeeji aa Bbaibbele, mpawo ujisi bukwabilizi Butamani.

¹⁴⁹ Elyo kwiina cintu ca kuyoowa. Eco Leza nca kasyomezya, Leza uyo cicita. Nda zundikizya kufumbwa muntu kubweza ceeco. Kobweza buyo eco a kweenda a Ijwi eelyo, a kulangilila eco cicitika kuli nduwe. Mukwesu, Ciyu bamba kucitika zintuzyonse, Leza wakaamba boobo. Zintuzyonse Leza nzya kasyomezya, ziyo citika.

¹⁵⁰ Nda. . . Mukuba kuti Nda kamwaambila kuti mulimo wangu wakali kutalika, kuno kutandila myaka iili kkumi ayosanwe koonse a koonse ku nyika, nkabela taakwe ciindi comwe Ni cakakakilwa. Nkaambonzi? Nkaambo, kuntalisyo, Nda kaimikila aa cisyomezyo ca Leza. Nda kalizi kuti Bwakali Bwini. Ta ndilekeli kusola ku mwaambila kuti mbusongo bwangu bupati, pele Umwi Oyo waka yubununa maseseke aa moyo ngo Umwi nguonya waka nditondezya mu Lugwalo. Nkaambo tii Nda kali. . . cindi ni Nda katalika kukambauka,

kutandila myaka iili makumi otatwe yakainda, Nda kacita kuba a mweenzuma musimbi kukkala alya a kubala Bbaibbele. Nse kakonzya ku Li bala, kakutakwe lwiiyo lunji. Mucizi Wilson, weede kuyeeya eco cindi Hope nakali kubala Bbaibbele kuli ndime kaindi okuya, kukkala a ku Li bala, elyo inga Nda amba, “Amumvwe eco Nco lya kaamba, amucite buyo eco Nco lyaamba. Nkukoonse Nkwe zyi kumwaambila.” Elyo boonse abo baka cicita, baa, bakalulama. Oko kwakali konse. Inga—Inga nda . . .

¹⁵¹ Waa kali kunga wati, “Leza mbwaka yandisya inyika Wa kapa Mwana Wakwe simuzyalwa alikke.”

Inga ndaamba, “Mbangaye ba Ci syoma?” “Bala citobela, oyandwa.”

“Wakapa Mwana Wakwe simuzyalwa alikke, kufumbwa muntu usyoma Nguwe ujisi Buumi Butamani.”

Nda kati, “Bali bongaye ba Ci syoma? Yebo wamvwa eco Nco caamba.” Tii ndaka konzya ku Ci bala lwangu.

¹⁵² Aboobo, mwabona, Nse kajisi nzila ya kwiiya kuzwa ku cikolo cimwi. Pele, oh, Nda ciyanda cikolo eco Nce kaunka! Oh, kaindi okuya mu mpangala niini kubusena bumwi, maanza angu mujulu kuli Leza, buzuba a buzuba mbuli boobo, cindi Muuya Uusalala niwakaseluka mu bubotu Bwakwe a kutalika kuliyubununa Mwini, a kwaamba, “*Oyu ngu boobu*, alimwi *boobu* ngu *boobu*.” Elyo taakwe ciindi comwe muntu naba omwe, cilenge ca musyobo uli oonse, kusola kukonzya kubikka maanza aakwe aa cintu cili coonse ca Ncico. Elyo a kulemeka ziimo zyoonse zyakwiindilizya a zintuzyonse zimbi ezyo zyakafumpa nyika, Leza waka Li jatilila mujulu a kunjoloma, a ku macing’a kuli Ncico kuznguluka a kuzunguluka inyika. Aleluya! Tuli mu ciindi camamanino, bakwesu. Tuli waano ku ciindi camamanino. Kwa mana. “Ku yooba Mumuni ku ciindi caku mangolezya.” Eco ncencico ncobeni Nca kaamba.

¹⁵³ Lino, ndi Bbuku lya Ciyubunuzyo, Leza kaliyubununa Mwini. Elyo lino kwiinda mu maseseke aya mapati, Uli mukuyubununa Zina lya Mwami Jesu Kristo mu lubbizyo, Uli mukuyubununa kuti kwiina cintu cili boobo mbuli Gehena Iitamani (ta cikonzya kuba, takukwe Lugwalo mu Bbaibbele lwaamba kuti kuli cintu cili boobo).

¹⁵⁴ Lino, kuli gehena, alimwi kuli ziba lya mulilo, elyo awo babi nkoba subulwa, pele kumalekelo baka nyonyooka. Ndiza myaka ili mamilioni ali myaanda ili kkumi, pele kumalekelo baka nyonyooka. Nkaambo to konzyi kuba a Buumi Butamani citakuti waka futulwa. Elyo ikuti na waumpwa Cabutamani, weede kuba a Buumi Butamani. Baa, gano lizizilwe inga lya kutondezya ceeco. Mwabona? Mbobuti mbo konzya kuba a Buta . . .? Mbangaye bazi cindi wano jisi Buumi Butamani waka futulwa? Ee, ikuti na waumpwa Cabutamani, sa toko elela kuba a

Buumi Butamani ku ciziba? Aboobo, mwabona, taci bambi buyo akwalo kuyeeya kubotu. Mwabona?

155 Lino, “bukwabilizi.” Abo Mba kazikale, Wa kabaita; abo Mba kaita, Wa kaba lulamika; abo Mba kalulamika, Wa kabapa kale bulemu. Paulo waka twaambila, mu chipati 1 caba Efeso, kuti “Leza, kuzwa ku malengelo aa inyika, waka tukanza ku kubikkwa kwa bana kwiinda muli Kristo Jesu.”

156 Johane ula twaambila awa mu Ciyubunuzyo, kuti “I sinkondo mu mazuba aa mamanino, oyo sinkondo mukombi, inga basika akati ka bantu a kuba a tubunga azimwi zimbi, a tukamu twabukombi a zimwi zimbi,” mbuli mbo bajisi sunu, “alimwi bayo cenga mbabonya Basale ikuti nicali kukonzeka, alimwi uyo cenga *boonse* abo bala a mazina atakabikkwa mu Bbuku lya Buumi ilya Mwanaambelele kuzwa ku malengelo ngaonya aa inyika.”

157 Ndelili zina lyako nilyaka bikkwa mu Bbuku lya Buumi ilya Mwanaambelele? Kuzwa ku malengelo aa inyika. Ndelili Kristo naka jaigwa, myaka yakainda ili cuulu amyaanda ili fuka? Peepe, munene. Kuzwa ku malengelo aa inyika. “I Kabelele kakajaigwa kuzwa ku malengelo aa inyika.”

158 Mwabona eco nco tucita? Nzeezyo zinamatizyo zijuka, kutalika buyo kuyubununa bubambe bwa lununuko, obo Mbwa kacicita. Ca mana lino, kutandila buyo—buyo kutandila kumanizya. Aboobo tuli ku ciindi camamanino. Aboobo nke kaambo i—i zintu zili mukuyubununwa. Yaa.

159 Lino, Sikamukowa wesu wakapegwa Bbuku lya zinamatizyo zili ciloba lya lununuko kuzwa kuli Mukamwini mutaanzi. I Mwini mutaanzi. . . Cindi nitwa kasweekelwa ku muunda wa Edeni, kwiinda muli Adamu, lya kajokela kuli Mukamwini mutaanzi. Pele kwakali pocha mu cisi, sikutuntulika kukkala, nkabela oyo ngu Saatani; wa kaboola, ngu pocha. Eyi nyika tai zulilwi kuli nguwe; izulilwa kuli Leza. Pele ngu pocha, sikutuntulika kukkala. Muntu, obo Mbwe konzya kwaamba cintucimwi ndyoonya lino, pele ncibotu Nta citi. Ndi taito diidi lya lununuko lwesu, eli Bbuku linamatikidwe a zinamatizyo zili ciloba. Ndi taito diidi. Amulindile mane tusike mu Zinamatizyo ezyo!

160 Ula namatula zinamatizyo, ula yubununa, ula tupa lukono Lwakwe ku bantu Bakwe. Wa kapa lukono olo Ndwa kakona, kuba Sikamukowa Munununi, a cabuyo ku lupa kuli ndiswe. Coonse cakali kuzulilwa kuli Nguwe. Wa kali Umwi Oyo wakanununa. Pele mubusena bwa kucibamba Mwini, Ula cipa kujoka ku bantu. Olo nduyandisyo Lwakwe kuli ndiswe. Oh!

161 Saatani, sikuvuba wa ncico lino, sikutuntulika kukkala, walo kumalekelo. . . Ta yandi ku cipa kufwambaana ncobeni, tu jana kuti awa kaindi kaniini kainda mu Magwalo, Ndi yeeya okuya mu capita imbi. Elyo ta kali kuyanda kucileka mpoonya

awo, pele wa kacita kucilwana. Pele, kumalekelo, cindi na kaletwa ku kazekelo, wa kasowelwa mu ziba lya mulilo. Mbo mbubo.

¹⁶² Jesu, Zina *Jesu* mu Makanimabotu ajisi mabande one ku “Mwana.” Sena mwakalizi obo? Jesu ujisi mabande one mbuli *Mwana* mu Makanimabotu. Umwi wabo ngu “Mwana wa Davida”; umwi wabo ngu “Mwana wa Abrahamu”; umwi umbi, “Mwana wa muntu”; umwi umbi, “Mwana wa Leza.”

¹⁶³ Lino, amulangilile. Cindi Sikamukowa wesu Munununi nakaba Jesu Kristo, Wa kaba Mwana wa Davida, uli ngu Sikukona ku cuuno cabwami. Bulemu! Wa kakona cuuno cabwami kwiinda mukuba Mwana wa Davida. Leza wakaamba kaindi okuya kuti Ta kamusiyi Davida, “kuta siya Davida kakutakwe lunyungu.” Elyo Kristo Mwana wa Davida. Elyo Wa kaba Sikamukowa wesu Munununi, a kulindila, kabamba busena kulibambila oko Nkwa konzya kulela andiswe. Mbuli Mwana wa Davida Ngu Sikukona ku cuuno cabwami.

¹⁶⁴ Mbuli Mwana wa Abrahamu, Ngu Swaana ku bwami. Ameni. Mbo mbubo na? Ngu Swaana ku bwami (Ameni!), Palestine a boonse bali muli nguwe, “Lunyungu lwa Abrahamu.” Wa kali Mwana wa Abrahamu.

¹⁶⁵ Mbuli Mwana wa muntu, ino Mwana wa muntu... Ino muntu waka sweekelwa nzi? Wa ka sweekelwa nyika. Aboobo mbuli Mwana wa muntu Ngu Sikukona ku zintuzyonse mu nyika. Koonse oku Nkwa jisi alimwi We elede ku cijosya kuli ndiswe, mpawo Uli muku jokela mbuli Mbwa kabede. Uli... .

¹⁶⁶ Lino, mpawo, mbuli Mwana wa Leza Ula zikona zintu zyoonse. Mbuli Mwana wa Davida Ngu Sikukona ku cuuno cabwami, mbuli Mwana wa Abrahamu Ngu Sikukona wa bwami, mbuli Mwana wa muntu Ngu Swaana ku nyika, mbuli Mwana wa Leza Ngu Swaana ku zintu zyoonse zili ku Julu a nyika. Oh, ma! Oyo ngo Munununi wesu, Sikamukowa wesu Munununi.

¹⁶⁷ Lino, amubone! Oh, eci cila ndigwasya loko. Awa mpempawo Mpe—Mpe lida ncobeni. Lino, mulekele myoyo yanu yaangulule kuli Leza kwa maminiti buyo masyoonto. Amuswiilile kuli ceci.

¹⁶⁸ Saatani ngu sikutuntulika kukkala, ta cikoni eci camulao, alimwi wa kajisi myaka ili zyuulu zyobilo ya kukwankana naa uli jisi na muntuumwi umbi uli jisi. Pele Kristo wakasika mbuli Sikamukowa Munununi aku cinununa kujoka kuli ndiswe. Pele Saatani uli cijisi. Pele, nywebo mulizi, kwainda kaindi (oku kulwana kupati kwamana) uyo sowelwa mu ziba lya mulilo. Mwabona? Uyo lobesegwa, a boonse balo bakomba antoomwe a nguwe. Pele baswaana ba lufutuko bayo boola a Kristo. Lino, ngu sikutuntulika kukkala.

¹⁶⁹ Lino, amuyeeye, mu Cizuminano Cakale, ikuti ii—ii muntu waka sweekelwa lukono lwakwe nkabela sikutuntulika kukkala

waboola aa nyika yakwe, ta konzyi kwijatilila limbi kumaninina kuzwa kuli mukamwini kusikila myaka ili makumi osanwe. Kwiinde myaka ili makumi osanwe, mwaka—mwaka wa Jubbili wakasika ambali. Elyo mwaka wa Jubbili, cindi mwaka wa Jubbili niwa kasika ambali, mpawo zintuzyonse zyaka joka kumatalikilo azyo eni. Boonse bazike, baka jokela ku matalikilo mataanzi. Ikuti na muntu wakali kulima mu muunda nkabela mweembo wakalila elyo wa kaumvwa, wa kali kunga wasowa jamba a kwaamba, “Nse cili muzike, Ndi jokela ku muunzi ku mukwasyi wangu.” Zintuzyonse zyaka josegwa. Ikuti na sikutuntulika kukkala uli abusena, weelede kuzwa abusena. Kwa mana. Wa kazwa aabusena ku kaambo kanzi? I mukamwini wakali kujoka. Wa kacita kupa mweenya.

170 Aleluya! Bumwi bwa mazuba aya mami aa inyika eyi ayowa, alimwi bamukamwini bamulao bayo boola muli bumwi bwa mazuba aya. Amenii.

171 Lino, kwakali ciindi no cakali mu kukazyanya. Kuzwa ku buzuba bwa kkumi aone, kuzwa ku matalikilo aa buzuba butaanzi bwa kusalazya kwa busena busalala, na Kristo wakaunka ku Kalivari, kwakali mazuba ali makumi one akuya kujulu. Cakali mu kukazyanya, naa nkamu ya Saatani inga ya cibweza a kwaamba kuti Ta kabuka kuzwa ku bafu. Ba katalika kwaambilizya ambali awo akuteeti, kati, “Mbasikwiiya bakasika ku Mu bba masiku.” Mwa kabala Bbaibbele, “Elyo wa kati ‘bantu Bakwe—Bakwe bakasika a ku Mu bba masiku.’ Elyo baka bbadela mali kuli basilumamba kuti baambe ceeco.” Pele cakali kubuzigwa kaindi, bantubonse ba kabuzigwa.

172 “Ee, kasimpe, ndiza ci zulilwa ku kabunga, mpawo, cintu coonse cizulilwa kuli nkako.”

173 Pele aa buzuba bwa makumi osanwe bwakali Buzuba bwa Pentekoste, a Mukamwini wamulao wakasika akati kabo (Aleluya!) a kucitondezya kuti kwakanyina kabunga. Kuti kwakali kuzuzigwa kwa Muuya Uusalala. Eco cakali cibizyo ca mali aa Leza ku Mbungano Yakwe kuti taike endelezegwi a tubunga azimwi zimbi, inga caba cizibyo ca lubapatizyo lwa Muuya Uusalala a nguzu a luyandisyo lwa Leza. Amenii! Oh, sa eco taciciti buyo cintucimwi kuli ndinywe? I Sikuvuba wamulao! Ino cakali kuli? Mu maanza aa Leza. Elyo aa i . . .

174 Mwabona, ta kakonzya ku cijata ku mazuba ali makumi osanwe. Mula bala eco omuya mu—mu ba Levitiko—mu Levitiko, mu i—mu milao omuya. Lya kati tiiba kakonzya . . . mukamwini mutaanzi. Ca kacita kujokela mu maanza a mukamwini mutaanzi myaka ili makumi osanwe. Toonse tu lizi obo. Mwa kacibala eco ziindi zinji, pele. . .mwabona, “Kacita kujokela kuli mukamwini wini kumane myaka ili makumi osanwe.”

175 Ee, mpawo, kwiinde myaka eyi ya mazuba ali makumi osanwe, mwaka omwe. . .buzuba bumwi bwaamba mbuli

mwaka. Elyo kuzwa buzuba oko kubambulwa cindi niba katola i . . . oyu Sikamukowa Munununi a ku Mu jaya aa i—aa buzuba bwa Pasika, kwakali mu kukazyanya kaindi. I mbungano yaka syoma kusika ku ciindi eco kuti Wa kali Sikamukowa Munununi, “Wa kali Munununi.” Mpawo ino cakacita nzi? Ca ka Mu jaya, sinkondo wakacita, a kwaamba kuti bakabweza mubili Wakwe a kuusisa kubusena bumwi. Elyo oko koonse kwakali mu kuzumbauzya kwa bantu, “Ncinzi cakacitika kuli Nguwe? Ncinzi cakacitika?”

¹⁷⁶ Lino, ku mamanino aa buzuba bwa makumi osanwe, mpawo, nywebo mwabona, tii cakali kukonzya kuba mu kukazyanya limbi. Mpawo, Leza. . . Mubusena bwabo kuyabuya—kuyabuya a mbungano yakale ya othodokisi, ya tulao, itontola; Leza waka josya Muuya Uusalala, waka tanda boonse bakutuntulika kukkala, elyo mpawo ku yeendelezya. Nguzu zya Muuya Uusalala zyaka seluka alimwi Mbungano yaka tambula cizibyo ca lufutuko lwayo.

¹⁷⁷ Lino, bakwesu, kutali kunyonganya kulimvwa kwanu na kufumbwa cintu kujatikizya nkuko, ikuti na kabunga kali luleme alimwi uli buyo muna Katolika ku kabunga, uli muna Baptisti ku kabunga, uli sweekede. Mwabona, cizibyo ca lufutuko lwesu tilwakali kusangana mbungano, i cizibyo ca lufutuko lwesu tii cakali kuzulilwa ku kabunga kamwi. I cizibyo ca lufutuko lwesu ndu bbizyo lwa Muuya Uusalala kakutakwe kabunga kali koonse! Amen.

¹⁷⁸ Tiiba kakonzya kwijatilila boobo, kwindilila obo buzuba bwabufifite, nkaambo obo bwakali buzuba bwa Jubbili cindi zintuzyonse nizya kajokela kumatalikilo azyo mataanzi. Elyo i—i nguzu zya Leza zyaka josegwa ku citaanzi cini, buzuba bwa makumi osanwe, mwaka wa Jubbili cindi zintu zyoonse nizya kajokela.

¹⁷⁹ Lino, kuyo boola mwaka umbi wa Jubbili alimwi, kuti, twa kali cijisi kutandila buyo ciindi eci. Ikuti na mwalangisya, Pentekoste yakali kuwa mu America kutandila myaka ili makumi osanwe, kubusena bumwi aa ciindi eco. Kutandila buyo myaka ili makumi osanwe yakainda Pentekoste yakatalika kuwa. Lino ncinzi cicitika, mbungano ili mukutambula Bbuku lya zinamatizyo zili ciloba zya ciyubunuzyo ca Jesu Kristo (ca Zinamatizyo zili Ciloba) alimwi taakwe omwe muli bali kkumi ukonzya ku Ci tambula.

¹⁸⁰ Pele cindi mwatalika kubona mwaka wa Jubbili oko nko tweelede kukwankwana a kupenzya a kukwela mbuli obu, pele tuli kwabilidwe kale muli Kristo! Tuli jisi kale Zina lya Mwami Jesu Kristo mu lubbizyo. Tu jisi maseseke aya oonse mapati ayo nge tuyo leta muli ezi Zinamatizyo zili Ciloba, a kutondezya kuli ndinywe kuti ezyo zyakali zinamatizyo zyaka namatikwa kuzwa ku meso aa bantu. Wa Leza mukuba mugwasyi wangu,

Njo tondezya kuli ndinywe kuti tiiba kakonzya kubona Ceeco kwiinda ku Bbaibbele (Mpawo, masimpe, ikuti na Bbaibbele lya kaamba boobo muyo cisyoma.), cakuti tiiba kakonzya kubona cintu cita “Taata, Mwana, a Muuya Uusalala” kusikila ku ciindi eci. Teeba kakonzya kubona kuti kwakanyina gehena Iitamani, kusikila ku ciindi eci. Tiiba kakonzya kubona kuti kwakali kukwabililwa Kutamani kutali- . . . Nda amba ku musyomi wini. Mubwini, kwakali kusabula kuli ncico koonse ku mabazu, kuvwika kuta teeleeleki nkoba kapa. Ako nkekaambo bantu . . . Ba lati, “Baa, amulange bana Presbyteria abamwi bambi, kufweba, kunywa, a zintuzyonse zimbi, a kwaamba kuti bali jisi bukwabilizi Butamani.” Inzya, pele, nywebo mwabona, eco nca ku—eco nca kusowa Mweembo wini.

¹⁸¹ Atu bone kusule Awa a kuziba na Mweembo walila, ikuti na tojokela kwini ku Matalikilo kusikaku Ciyubunuzyo, konse akoonse, cindi eci cinamatizyo cajulwa; mwabona, zintu ezi zili mukuyubununwa.

¹⁸² Lino, oh, mukwesu! Ndali kuyeeya kuti Ndali buyo . . . Ndiyo elela kumusiya kuunka mane ciindi citobela Nda sika omuno. Ndi jisi mapeeji atandila ku cisambomwe awa akwalo; na—na, kabotu, peepe, tu jisi mulimo wa lubbizyo uboola. Andi bale eci, zintu zimwi ezi ziniini mpoonya awa, mwaka wa Jubbili. Yaa.

¹⁸³ Lino, nywebo—nywebo nyoonse mulemba Magwalo na? Muli Jeremiya 32, a kutalikila kampango ka 6 ikuti na mwa . . . Elyo cindi mwasika ku muunzi, muyanda kucibala. Lino, Jeremiya, ku kumulekela kubona obo skroo eyi mboibede, Ndiyo ibweza eyi. Atu bweze skroo, nekuba. Eco ciyo ndipa kutandila maminiti ambi ali kkumi, aa skroo. Lino, amuyeeye, eli Bbuku lya kanamatikwa. Lino, bbuku mu ziindi zya Bbaibbele tiilyakali bbuku lya mabazu one mbuli *leeli*. Lya kali bbuku mbuli *leeli*, lya kali kutegwa bbuku, “skroo.” Mbangaye bazi boobo? Uh-huh. Masimpe, lyakali skroo. Yaa.

¹⁸⁴ Lino, eli—eli Bbuku lya kanamatikwa a zinamatizyo zili ciloba. Lino, Lya kali Bbaibbele alimwi Lya kali namatikidwe a zinamatizyo zili ciloba. Elyo lino amulangilile obo eci mbo cakacitwa.

¹⁸⁵ Jeremiya, cindi na—cindi na kali kuyooba . . . wa kasinsima kuti uyo bwezwa. Muli Jeremiya lino, cipati 32. Wa kali kuyo tolwa okuya ku buzike kumusanza mu Babuloni, bakali kuunka kumusanza okuya kwa myaka ili makumi ali ciloba. Wa ka cisinsima. Elyo nywebo nobabali ba Bbaibbele bakainda muli ncico ziindi zinji. Elyo wa kali kuyo tolwa kumusanza okuya kwa myaka ili makumi ali ciloba. Elyo wa—wa kali simukowa wamunsi ncobeni ku mweeninyina oyo wakali sikwaazwa. Mweeninyina Wakwe (H-a-n-a-m, ba e bobile, l) Hank, Hanameel, Hanameel, wa kali i . . . basimukowa wakwe wakali kutobela. Aboobo wa kalizi kuti—kuti sinkondo uyo

jatilila i—jatilila i—i mapepa azimwi zimbi zya busena bwakwe, pele cindi . . . Wa kalizi kuti Leza taka siyi bantu Bakwe, aboobo cindi niba kapiluka, kuti kakonzya kuba mukamwini ululeme ku lukono, nceeci nca kacita: wa kacilemba coonse.

¹⁸⁶ Mbangaye bakasola kucibala? Yaa, mwa kacibala, mwa kacibala mpawo. Yaa. Lino, wa kabweza a ku cinamatika mbubonya buyo nzila ezi maskroo mbwa kanamatikidwe awa. Ncintu cibotu maningi, cikwelelezya nco mutana kubona.

¹⁸⁷ Lino, Ndiyo sola ku cipandulula a kabeela aka ka pepa, Ta ndizi na Nda konzya na pe. Lino, njeeyi nzila mbo caka lembwa, mbuli *boobu*. Lino, wa kacicita alimwi waka cinamatika mbuli *boobu*, acimwi ansi. Lino, ncinzi cakacitika, ali cimwi acimwi ca zinamatizyo ezi caka lembwa koonse awa lukono lwakwe a ceeco caka citika, elyo boonse abo bakawida kumbele lyakwe a nzila mbwa kaboola ku cikona. Ca kali namatikidwe koonse mbuli obo.

¹⁸⁸ Lino, eyo nje nzila Leza mbwa jisi Bbuku Lyakwe lina matikidwe aa zinamatizyo zili ciloba. Lino, mbuli buyo Mbwa kanatula ceeci, eco ciyubunuzyo cila joka konse a kweenda lweendo lonse kuzunguluka kunze lya Bbuku. Ako nke kaambo ula konzya kubweza Zina lya Jesu Kristo aku Li tobezya kuzwa ku Matalikilo kusika ku Ciyubunuzyo a kutondezya kuti kwiina cintu cili boobo mbuli “Taata, Mwana, a Muuya Uusalala.” Mwabona? Mwabona, cila unka lweendo loonse mu Bbaibbele, Cila ciyubununa.

¹⁸⁹ Mpawo ula bweza mbuli, “Kuli gehena Iitamani.” Yebo wasomona eco a kucitobezya lweendo loonse koonse; kwakanyina gehena Iitamani nkaambo ku matalikilo Leza wakati gehena *yakalengelwa* dyabulosi a baangelo bakwe, ku cisubulo cabo ciciza. Mpawo ikuti na gehena ngu Iitamani, mbobuti mbo cikonzya kulengwa? I bbala bulenge taakwe nobwa kacita . . . I bbala *Itamani*, “taakwe nilya katalika alimwi taakwe no bumana.” Mpawo lyoonse kwakali gehena ikuti na ni gehena *Iitamani*, “kwakali gehena ciindi coonse nciconya, ciindi nciconya kwakali Leza kwakali gehena, kakutana kuba cibi cimwi cakacili gehena.” Huh! Oh, ma! Mwabona, to konzyi kucibamba.

¹⁹⁰ Aboobo amulangilile mbuli zintu ezi kazilivungulula zini, cila beleka koonse a kujula Bbuku. Aboobo lino eci mubwini cipa cifwanikiso ca Bbaibbele lyoonse, a zinamatizyo ezyo zijisi Bbaibbele lyakasisidwe kuzwa ku meso aa basongo a basimaanu. Leza, kwiinda ku Muuya Uusalala, uli muku bajula mbuli obu a kuba yubununa moonya mu Bbaibbele. Bulemu kuli Leza!

¹⁹¹ M ukwesu, Nda kwaambila, eco cibusya kulya kangu—kwangu kubotu kwa kumuuya. Mwabona? Mwabona? Lino, amulange awa! Mwabona, ngu—ngu se— . . . mbuli . . . Mula mwisya eco Nce wamba? Mwabona, nceeci we, cinamatizyo.

Lino, ikuti na mwa langilila a kubala awa, kuunka kuli Jeremiya a kubona obo mbwa—mbwa—mbwa—mbwa kacinamatika.

¹⁹² Lino, ndeelyo Bbuku, lilembedwe omuya. Lino, ku ciindi buyo ca ciyubunuzyo citaanzi, mpawo Wa jula cinamatizyo eci. Lino, amulangilile a kubona eco cinamatizyo citaanzi mbo cakabede cindi twa sika ku Zinamatizyo. Mpawo ciindi ca cinamatizyo cabili, Ula namatula cinamatizyo citobela. Elyo sena mulizi awo mpo tubede? Tu tandila kuba aa cinamatizyo caciloba ndyoonya lino. Elyo cindi caciloba . . .

¹⁹³ Cindi cinamatizyo citaanzi nica kajulwa, mweembo mutaanzi wakalila nkabela cipenzyo citaanzi cakawa. Cindi cinamatizyo cacisambomwe nica kajulwa, cacisambomwe cakalila nkabela cipenzyo cacisambomwe cakawa. Amucilangilile buyo, ncintu cibotu maningi eco ncomwa kasola kubona. Elyo cindi Nda cita, Ndiyo ndijanina bbulakibboodi, mpati ncobeni, ku yeendelezya awa a ku ciyiisya buyo mpoonya atala awa, aboobo tu tola ciindi cinji aa cinamatizyo acimwi a kujokela a kubweza makani akale a zintu, a kutondezya buyo cindi nica kacitika, a kutondezya mpoonya awa mu Bbaibbele cindi Ni lya kaamba kuti ciyo citika, elyo mbubonya ncobeni cindi nica kacitika, buzuba buyo a zintuzyonse zimbi. Nda cijana, ameni, kacijana kuli Nguwe. Mbo mbubo. Nzeezyo zinamatizyo.

¹⁹⁴ Lino, cindi Jeremiya nakalemba bbuku eli, lya kanamatikwa . . . Nceeci cintu cibotu Ndi yanda kuti mubone, nyoonse nywebo nomubala, kuti bbuku lya kanamatikwa . . . Lino, amuyeeye, wa kali kuunka. Wa kasinsima. Lino, ta kacizyi, cita kwiinda mu cisinsimi. Sa mula nditobela? Kwiinda mu cisinsimi wa kalizi, kwiinda mu ciyubunuzyo ca Leza, kuti bakali kuzwa ku cisi eco kwa myaka ili makumi ali ciloba. Mula muyeeya kasinsima ceeco? Inga uyooba myaka iili makumi aali ciloba, inga kaba mu kucitika kwa milao. Aboobo wa kali kuyanda kuba masimpe kuti eci cinamatizyo (kuti lukono lwakwe) lwakali kuyo bambwa, nkaambo wa kajisi ii . . . wa kakona lukono lwa mweeninyina. Aboobo wa kali kujisi koonse kulembedwe, camulao. Elyo ncinzi nca kacita a ncico? Aboobo tii caka bola na zilonda, wa kacibikka mu cibikkilo cabulongo; aku citantamuna kutegwa cita boli na kuba ankale, kusikila myaka yakamana ili makumi ali ciloba.

¹⁹⁵ Bulemu kuli Leza! Nda kamulangila kuti muyo cijata! Sena mwabona eco Leza nca kacita? Ta ka Ci yubununa ku basongo a basimaanu (aboobo bakali kukonzya kukwankwana kujatikizya Ncico kwa ciindi eci coonse), pele Wa ka Li bikka mu Cibikkilo cabulongo nkabela Wa kalilenga Mwini Mwana Wakwe Mwini, Kristo Jesu. Elyo mu buzuba obu bwamamanino lino Uli mukujula zinamatizyo a kucitondezya ku Mbungano Yakwe. Kabambwa mu Cibikkilo cabulongo kutegwa ka Li taboli na kuba ankale! Aleluya! Oh! Ndi lizi muyeeya kuti Ndili

mubumbulusi uusalala. Ndiza Mbwe bede. Nywebo mwabona? Pele nceeco Mbo cibede! Lya kabambwa kuvungailwa mu Cibikkilo ca nyika eco caka nununwa kuzwa ku nyika, kuboola aa cifumo ca Pasika oko zijazyo zya lufu nko zyaka ta kakonzyi Mu jatilila limbi; pele Wa kamwaya zinamatizyo a kubuka, a kulitondezya Mwini mu mazuba aya akumamanino kuti Ula pona! Uli mu Mbungano Yakwe! Ngu mbobuca nguwenya, sunu, amuya myaaka. Elyo eco cakasiswa kuzwa ku maseminari, cakasiswa kuzwa ku tubunga.

¹⁹⁶ Elyo mu mazuba aya aakumamanino Uli muku Ci yubununa kwiinda ku Busyu Bwakwe Mwini akati ka bantu Bakwe. Ula jana bantu abo Ngwa konzya kugwisya inyika kuzwa kuli mbabo a zintu kuzwa kuli mbabo (basimbungano kuzwa kuli mbabo), kutegwa Ka konzya kukanana kwiinda muli mbabo a kuyubununa a kujula zinamatizyo ezi mbuli obu Lwakwe. Mwabona? Aleluya! Oh, sa mula Mu yanda? Ma, ma, ma!

¹⁹⁷ Bubambe bwesu bwa lufutuko, mbubonya lino kuyubununwa muli Jesu Kristo. Mbobuti Mbwa kaliyubununa mu mazuba aya aakumamanino? Kwiinda mu kujula cinamatizyo Cakwe. Baa, taakwe muntu. . . Tamuna kumvwa kacilembedwe mu buumi bwanu kujatikizya Lunyungu lwa Abrahamu, obo mbo bakainda mu kululamikwa, kusalazigwa, lubbizyo lwa Muuya Uusalala; obo oyo angelo bwa keelede kuboola ku mazuba akumamanino, wakafutatila mbunga a kwaamba mbubonya buyo eco Sarah neakali kuyeeya mu moyo wakwe cakali mukati (oko tii kwaali kusikila buzuba buno, mbo mbubo, obu mbo buzuba); a lusyomo lwa Abrahamu; a Zina lya Mwami Jesu.

¹⁹⁸ Lino, cintu comwe awa, Ndi jisi awa zintu zyosanwe Nze yanda kukanana, cabili buyo, cakufwambaana mbuli Mbwe konzya. Amulange. I ciloba. . . Nzeezyo zinamatizyo zili ciloba, alimwi ziloba zili musanu mu mabambe akwa Leza aa lununuko. *Faivi* mweelwe wa “luzyalo.” Mbangaye bazi boobo? J-e-s-u, l-u-s-y-o-m-o, faivi walo mweelwe wa luzyalo. *Sikisi* mbuzuba bwa muntu, alimwi *ciloba* mbuzuba bwakwe—bwakwe bwa lununuko.

¹⁹⁹ Lino, amulangilile. Lino, kuli zinamatizyo zili ciloba muli ceeci, na—na zibeela zili ciloba mu bubambe obu bupati bwa lununuko. Kuli ciloba canzi? Zinamatizyo zili ciloba zya lununuko, Myuuya ili ciloba iya Leza. . . Tu jana kuti (ikuti na muyanda kubona ikuti na yaamba kuti “Myuuya ili Ciloba,” andi bone awa aniini buyo), i cipati 5, kotalikila kampango ka 6 (Nda syoma, tula bona awa), kampango ka 6:

Elyo. . . kabona, elyo, kalanga, akati ka cuuno cabwami ca banyama bone, alimwi akati ka baalu, kwakaimwi Kabelele mbuli waka jaigwa, kajisi mitwe

*ili ciloba a meso ali ciloba, ili Myuuya ili ciloba iya
Leza yaka tuminwa mu nyika yoonse.*

200 Ino eyo Myuuya ili ciloba ninzi? Balo batumwa bali ciloba. Ngooyo Musalali Columba, a Irenaeus, a—a John Wesley, a Martin Luther, abamwi bambi. Mwabona, “Myuuya ili ciloba,” ili mbantu bali ciloba (baangelo bali ciloba), ili milumbe ili ciloba.

201 Zinatimizyo zili ciloba, Myuuya ili ciloba, baangelo bali ciloba, meja ali ciloba, a mabungano ali ciloba. Mwabona, ciloba ziloba, kuli ziloba zili faivi, yalo, *ciloba* bwalo “mbulondosi,” *faivi* yalo “nduzyalo,” Luzyalo lwa Leza ku Makkalo Aa Mbungano Aali Ciloba. Batumwa Bakwe bantu bali ciloba, Myuuya Yakwe ili ciloba iya Leza, zinatimizyo zili ciloba zyaka kanzwa zya lununuko (tuli mukati ndyoonya lino), *meja* ali ciloba caamba “makkalo ali ciloba.”

202 Nkaambo, *lwija* caamba “bwami.” Nywebo mula yeeya musyini wakaboola aa cinyama (lwija) muli Daniele, a zimwi zimbi? Mwabona, caamba bwami, na “makkalo ali ciloba.” Elyo, amuyeeye, Jesu wakati, “Bamwi bakoona mu kulangila kutaanzi, bukkalo bomwi; bumwi abumbi mu kulangila kuccilila, bukkalo buccilila; buccilila; a buccilila; mane ku kulangila kwaciloba. Elyo mu kulangila kwaciloba Sibwiinga wakasika, elyo mpawo boonse babo baka sinsimuka.” Amuyeeye eco?

203 Aboobo ngu “makkalo ali ciloba” akali *meja* ali ciloba, a *mabungano* ali ciloba, na “mat-...mabanze aa mubili wa basyomi.” Oh, Cili londokede buyo mbuli mbo cikonzya kuba. Jeremiya...Ma, “i Bbuku,” “makkalo,” obo mbwa kanununwa! Buti... [Kabeela katakwecintu aa teepu—Mul]... mpoonya awa.

204 I ciloba a cimwi camamanino ca zinatimizyo ezi, cindi zya julwa, cijanwa mu Ciyubunuzyo cipati 10, kwakali Angelo singuzu (oyo wakali Kristo) kaseluka aansa a kubikka tende lyomwe aa nyika alimwi lyomwe aa lwizi, a kutambika janza Lyakwe a kwaamba, “I buzuba bwamana. Ciindi camana. Ca mana. Ciindi tacikabi limbi.”

205 Elyo Wa kati, “Ku kulizya kwa i...ku ciindi eci, makani aasisidwe aa Leza eelede kumana.” Oyo Leza mbwabede a nzila Mbwa kayubululwa; nzila cindi eco cinamatizyo nicaka julwa, obo mbo tutalika kumvwisya lino obo Mbwa kali Mwana wa Leza, Wa kali Leza Mwini wakaba mu mubili wabuntu; a ciyubunuzyo ca Oyo Mbwa bedede; eco ceelede kumanizigwa Angelo oyu katana bikka matende Akwe aa nyika a lwizi a kukonkezya kuti “taku cikabi limbi ciindi” cindi eci casika. Tuli moonya mu mayaadi ayo kumbele lya ncico ndyoonya lino. Mwabona?

206 I cimwi camamanino cazyo ngu Ciyubunuzyo 10, “Tende aa nyika alimwi aa lwizi,” ciindi caka mana, lununuko lwamana, elyo lino Ula boola mbuli Mulavu. Wa kali Kabelele kaindi, lino Ula boolla mbuli Mulavu wa mukowa wa Juda.

207 kuli ndinywe ncobeni lino, a kampango ka 8:

Elyo cindi naka bweza bbuku, banyama bone alimwi i makumi obilo-. . . alimwi i bapati bali makumi obilo abone baka wida ansi kumbele lya Kabelele, aumwi wabo kajisi kantimbwa, a mitiba ya ngolide uizwide tununkilizyo, . . . a mipailo ya i basalali.

208 Lino, eci nce ciindi zintuzyonse nozyeelede ku komba. Lino, amuyeeye, obo mbo ceelela. Lino, muta ciimpyi eci lino. Amuswiilile kabotu. Cindi maseseke oonse aa bukkalo bwa mbungano naka mana, cindi oonse maseseke aa mabambe aa lununuko, ezyo zinamatizyo zili ciloba zyakajulwa ku. . . mpoonya buyo kumane ceeci lino, amulange, nciindi ca—ca boonse, zintuzyonse ku Julu a zintuzyonse aa nyika ku kukomba Leza. Lino, amulangilile eco cicitika. Amuswiilile ku. . . nku, amuswiilile buyo kuli ceeci aniini:

Elyo ba kaimba lwiimbo lupy, lwaamba kuti, Yebo uleelela. . .

209 Amuswiilile obo bukombi mbo bwakabede! I baalu, banyama, zintuzyonse zyaka wida nkoonya kumbele Lyakwe, mwabona, mbuli boobo, cindi Na kapanga bubambe Bwakwe bumaninide. Nciindi ca kukomba lino, mwabona:

Elyo ba kaimba lwiimbo lupy, lwaamba kuti, Yebo uleelela kubweza bbuku, a kujula zinamatizyo zyaloyi nkambo wa kajaigwa, alimwi waka tunununa kuli Leza kwiinda ku bulowa bwako kuzwa ku misyobo yoonse, . . . mwaambo, a bantu, a cisi;

Elyo Wa ka tubamba kuli Leza wesu bami a bapaizi: nkabela tuyo lela aa nyika. (Amuswiilile, balo bantu bakanununwa kabalila okuya. Hmm!)

Elyo Nda kabona, elyo Nda kamvwa ii jwi lya baangelo banji bazungulukide cuuno cabwami a banyama a baalu: elyo mweelwe wabo wakali zyuulu zili kkumi taimuzi zyuulu zili kkumi, a zyuulu zya zyuulu; (Zintuzyonse ku Julu zikomba Kabelele aka, mwabona.)

Kwaamba a jwi pati, Weelela ngu Kabelele (Aleluya! Aleluya!) oyo waka jaigwa kutambula nguzu, a buvubi, a busongo, a nsana, a lulemeko, a bulemu, a cilongezyo.

210 Amuswiilile, “Elyo zilenge zyoonse!” Amuswiilile eco Johane nca kacita:

Elyo zilenge zyoonse zili ku julu alimwi aa. . . nyika, a kungsi lya nyika, a zili boobo mbuli mu lwizi, a zyoonse zili muli nzizyo, kamvwa Nde (Johane) kaamba,

Zilongezyo, . . . lulemeko, . . . bulemu, . . . nguzu, zibe kuli oyo waka kkede aa cuuno cabwami, a ku Kabelele kwa lyonse a lyonse.

211 Johane kweelede kuti wakajisi Pentekoste ncobeni yakwe. Wa kati, “Zilenge zyoonse ku Julu, zilenge zyoonse mu nyika, zilenge zyoonse kungsi lya nyika, zilenge zyoonse zyakali mu lwizi, zyaka ndimvwa kwaamba, ‘Ameni, bulemu, lulemeko, nguzu, a zilongezyo, zibe kuli Nguwe oyo uukkede aa Cuuno cabwami, oyo Kabelele.’”

212 Ciindi ca kukomba! Ameni! “Mbobuti mboba kacicita?” Ndeeli Ijwi Lyakwe, nywebo. . . boonse baka limvwa.

Elyo banyama bone bakati, Ameni. Uli luleme, Johane, kaongolola buyo aku Mu lumbaizya kapati mbuli mbo konzya. Ci . . .

. . . kandi mvwa kwaamba, Zileleko, Ameni, bulemu, busongo, nguzu, a bukozu . . .

. . . Elyo baalu bali makumi obilo abone baka wida ansi a kumu komba oyo waka kkede . . . oyo uupona kwa lyonse a kwa lyonse.

213 Ino nkaano kabotu! Lino, Nse jisi ciindi. Ndi cijisi cili lembedwe, ciyyo cimwi aali ncoo awa, pele muswaangano wesu uuccilila katutana konzya kunjila muli eci. . . Ndiza cindi Nda zwa ku kupumuna kwangu na ciindi cimwi, Ndi yanda kubweza mvwiki ezi zili makumi ali ciloba zya Daniele a kuci swaanganya moonya omu, a kucitondezya awo mpo citola ku Jubbili ya Pentekoste, a kucijosya nkoonya kusule azeezyo zili ciloba zipa- . . . zyalo zinamatizyo zili ciloba zya kujuka awa katutana kuunka, a kutondezya kuti cili ku mamanino, ezi . . .

214 I Kabelele, Mesiya, Mesiya weelede kuboola alimwi kweelede kuba kwa mvwiki zili makumi ali ciloba (eyo myaka ili ciloba) zya kasinsimwa ku bantu Bakwe. Elyo Sibwami uyo nyonyoonwa akati, eyo nji tatu a cisela, i cisela ca ciloba ngu yotatwe a cisela, ziyu nyonyoonwa. Elyo cituuzyo ca mazuba onse ciyomanisigwa; a cisesemyo eco cibamba tongo (kwalo Moslemu ya Omar yakaima aa masena aa tempele buzuba cindi niba kaumpa tempele), elyo mpawo kuli myaka yotatwe acisela isyeede ku Israyeli.

215 Elyo Kristo wakasika a kukambauka a kusinsima mbubonya buyo myaka yotatwe acisela, alimwi cituuzyo ca mazuba onse ciya kugusigwa, zintuzyonse cakulondoka mbuli mbo ca kakonzya kuba. Elyo Moslemu ya Omar yakali luleme. . . iyakidwe aa masena ngaonya a kwiima kuya ku buzuba buno. Elyo bayo lyataula malambo aa Jerusalema kusikila bubanze bwa Bamasi buka manizigwe, i Mbungano iyo tolwa kujulu (Basale, Nabwiinga) kuzwa okuya.

216 Elyo basinsimi bobilo, Eliya a Musa, sandukila kuli Israyeli kuli mbabo bobilo alimwi ii—yobilo myaka acisela. . . myaka yotatwe acisela. Ncintu cibotu maningi cindi mwacibona kacitondezegwa.

217 Mula Mu yanda? A moyo wanu oonse? Mula mvwisya lino kuti Bbuku lya zinamatizyo zili ciloba lyakali nzi? Obo Mbo cibede: tuli Ci jisi, “mu skroo,” lino. Elyo amuyeeye buyo, mu mazuba aya akumamanino. . . Aka bambwa mu Cibikkilo cabulongo. Mula mvwisya eco lino? Elyo Nguni wakali Cibikkilo eco ca bulongo? Jesu Kristo. Taakwe muntu waka Ci jisi, taakwe muntu waka Ci jisi, nkwiinda buyo muli Nguwe. Tee cakalembwa akwalo mu Ijwi. Ikuti na Lya kalembwa mu Ijwi, lya kasiswa kutegwa muta Li jani akwalo. Mbo mbubo. Aboobo cili muli Nguwe kuti Ca yubununwa, alimwi mu Cibikkilo eco ca bulongo kutegwa CI boli na kuba ankale.

218 Elyo mpawo Wa boola a kukwelela kusule imwi ku Mbungano Yakwe, a kuti, “Mwabona, Ndime mbobuca nguwenya, sunu, amuya myaaka. Mwabona? Mwabona? Lino, lyoonse mwa kalibuzya naa i—naa sizibi uatakweankwaya inga waumpwa Butamani na uyo nyonyoonwa cakumaninina kwa kumana myaka ili milioni. Nceeci we. Obo mbo cakabede. Taakwe cintu cili boobo mbuli gehena Iitamani. Ta kukonzeki kuba Uutamani, nkaambo Nda. . . gehena tiyakali a Ndime cindi Ne katalika kaindi eelyo. Nda kailenga kusubula babi mukati. Mwabona? Ino uyoowa nzi, mwabona, kujatikizya Lunyungu lwa Abrahamu a zintu ezi zyoonse zyandene? Buyo. . .” Eco buyo—buyo bupanduluzi bwa ncico, mwabona, pele cindi wanjila nzila Leza mbwa jula zinamatizyo ezyo, a kucitondezya, kuzumanana ncobeni; nywebo mwabona, cindi mwacita, mpawo tamu konzyi kuzwa ku Bbuku eli. Zyalo zinamatizyo. . .

219 Yebo wati, “Oh, cinamatizyo cakali kwaamba cintucimwi cimbi, Mukwesu Branham.”

220 Amulindile aniini! Ce elede kweendelana a Ceeci, nkaambo caka namatikidwe kusule lya ceeci ku kuyubununa Ceeci. Cili. . . Ino ncinzi? Ino cakali cinzi? Awa, mbuli awa, Jeremiya. Yebo wati cintu cili *boobu-boobu* cacitika; yebo wasomona *eci*, awa mpempawo mpo cibede. Ncibotu. Kozambulula *eco* a kucebuka awa, mpaawa mpo cibala eco cakacitika. Yaa. Kozambulula cimwi *eci* awa, amulange awa, eco nce cakacitika. Mwabona, eco nce cintu nciconya Bbuku eli mbo libede, mwabona, kuzo lya ndilyo.

221 Ba lati, “Ee, Nse konzyi kumvwisya. Bamwi bakati, ‘Taata, Mwana,’ a bamwi, ‘Muuya Uusalala,’ a bamwi bakati, ‘Zina lya Jesu,’ zintuzyonse mbuli ezyo.”

222 Ca kasiswa myaka eyi yoonse. Pele lino ngooyu mbwabede, ula pumbulika kujoka ncobeni, cila jokela ncobeni kwiinda mu

kutondezya kuti kuli Leza omwe luzutu. Taakwe nokwa kabede pele Leza omwe. Obo mbwini. Elyo Zina Lyakwe. . .

223 Lili mbuli Bbuku Iya Matayo, 28:19, “Nkikaako kamuya, akuyo yiisya masi oonse, kuba bbizya mu Zina Iya Taata, Mwana, Muuya Uusalala,” alimwi Taata talili zina, alimwi Mwana talili zina, alimwi Muuya Uusalala talili zina. Lino, mbobuti mboya kuba bapatizya? Nguni limwi Iya mazina ayo uyo bapatizya, kakuli taali mazina ayo? Mpawo ninzi? Yebo toka bapatizigwa mu zina lili lyaonse, mpawo. Eco Ncikolo ca Basinsimi alubo, mwabona.

224 Mpawo ula jokela ku busena obu okuno, alimwi watola awa aku citobezya kujoka akujoka kuli Matayo 1, ino Na kacita nzi? Kosomona eco ncobeni a kucijosya awa:

Lino mboobu mbwa ka zyalwa Jesu Kristo: (Kutali Baleza botatwe, lino, mwabona.) Cindi. . . banyina. . . bakali tangidwe kuli Josefa, kabatana swaangana antoomwe, ba kajanwa a mwana ii wa Muuya Uusalala. (Kutali Leza i Taata; “i Muuya Uusalala.” Huh?)

. . . zyoonse ezi zyakacitwa, kuti. . .

Elyo Josefa mulumi wakwe, . . . muntu uululeme, . . . mukutayanda ku muusya nsoni, wakayanda kumuleka cakumbali.

. . . aa zintu ezi, . . . kuciindi nakali kuyeeya aa . . . amubone, angelo wa Mwami wakalibonya kuli nguwe mu ciloto, kwaamba, Josefa, yebo omwana wa Davida, uta yoowi. . . kuli bwezela Mariya mukaintu wako: nkambo eco cimitidwe muli nguwe nca i. . . (Leza i Taata?). . . i Muuya Uusalala.

225 Nda kayeeya, “Leza i Taata wakali wisi Wakwe.” Ndili mukwaamba eci nkaambo ka lubapatizyo luboola. Mwabona? Nda kayeeya, “Leza Taata wakali wisi Wakwe.” Lino, naa Muuya Uusalala a Leza Taata Ngo nguwe nguonya, na Wa kajisi mawisi obilo; mpawo Walo mwana wamusokwe, elyo mpawo musyobo nzi wa Leza ngo tujisi? Hmm? Mwabona?

Elyo oku kwakali. . . koonse. . . kacita, kutegwa kuzulizigwe. . . kwa kaambwa aa Mwami kwiinda ku musinsimi, . . .

. . . ii nakalindu uyo mita, a kuzyala ii mwana, . . . bayo ita zina lyakwe kuti Jesu, . . . (Mbo mbubo na?) . . . Elyo Uyo tegwa Emanueli, eelyo. . . lyamba kuti, Leza ula swe.

226 Lino, mwabona, cindi Na kazambulula cinamatizyo, ino ncintu coonse kuzwa kuli Matayo cipati 1 (amu joke)? Baa, Jesu Kristo. Nce ncico ncobeni Petro nca kaamba aa Buzuba bwa Pentekoste. Nce ncico boonse bamwi babo ncoba kaamba.

227 Mubwini, nkamu eyi yaba Roma yaka boola ambali a kwaamba, “Oh, peepe! Twe elede kuba a Baleza botatwe. Twe elede. . .” Bali jisi zyuulu zili kkumi zya mbabo lino: kuli ba Mariya a Musalali Cecilia, a Musalali Marko, a Musalali *Niini-a-niini*. Elyo Ndi yeeya kuti kuli bali myaanda yosanwe a cintucimwi mu Dolopo lya Mexico. Mwanakazi waka jaigwa cimwi ciindi cakainda ku zimambe zyakwe, elyo baka talika ku lwanina nguwe elyo baka mujaya, aboobo baka mubamba kuba musalali, a bantu kucita kweempwa kuli nguwe, a zintu zyoonse mbuli eco. Ciimo ca kumuuya!

228 Elyo mpaawa mbungano ya Protestanti yaboola koonse a ceeco ncobaita kuti Buzumini bwabukombi ibwa Baapostolo, “Nda syoma muli Leza Taata Singuzuzyonse, sikuyeeyela wa majulu a nyika, alimwi i—alimwi i mbungano ya Katolika Iisalala ina Roma. Elyo Nda syoma mu nkombelezyo ya basalali, mulalilo wa basalali.” Ba protestanti kabaamba kungsi lya cikonke ca Leza, kuti ula syoma mu mulalilo wa basalali. Obo mbuzumini bwa kumuuya! Mwabona? Mpawo bala zumanana a kucicita, masimpe, nkaambo mbungano ya kaamba boobo. (O Leza, obo Mbwe kkomene kuziba eco Nce zyi! Obo Mbwe kkomene kuziba eco Nce zyi!) Muku taziba kuti bali mukuli namatika buyo beni kulaale kuzwa kuli Leza, ikuzwa mu mudima kuya kulaale. Elyo to konzyi ku baambila, nkaambo taba konzyi kucibona ncobeni.

229 Ndi yanda kubuzya. . . taakwe muntu weelede kwaamba ceeci. Kuli bantu batandila ku kkumi a bosanwe na makumi obilo, bakkede mpoonya awa, baka zulwa ku kuyeeya kuti Nda kali Jesu Kristo. Mbobuti mboba kalino konzya kucicita? Nda kali mpoonya ali mbabo kusikila Nda kajana kuti Leza waka ndaambila kuti “wa kali muuya.” Elyo balo baalumi, Nda kati. . . Elyo balo baalumi baka ndisyoma, ijwi lyoonse. Nda kati, “*Mbobuti* mbo mudi syoma mpawo, ikuti na Nda mwaambila?” Mpawo twa kasika ku Ijwi, mpawo ba katalika kubona, kati, “Ee, masimpe, tii twa kakusyoma na ni twa kaswiilila kuli eco nco kaamba.” Mwabona awo?

230 Pele bakali kuyeeya ncobeni kuti bakali luzi, cakusinizya. Mwabona? Elyo imwi ya myuuya ilamujata, eyo ijisi, mwabona, muyo cisyoma ncobeni. Nse kwe ndaba, yebo. . . taakwe muntu ukonzya ku kwaambila lwandaano luli loonse. Mwabona? Takukwe makani obo kunji Ijwi mbo lyaamba boobo, ee, to Li syomi buyo nekuba; kozumanana buyo. “Kuti na uyanda kuba mu nzila eyo, ko zumanana, nkabela Ndi jisi nzila yangu ini.” Mwabona, eco citondezya kuti uli nanikidwe a muuya mubi.

231 I Muuya wa Leza uyo al- . . . Ee, yebo wati, “Ino kujatikizya lwako, Mukwesu Branham?”

232 Nda lomba kufumbwa muntu. . . Ndili libambilide lyoonse ku muntu kundi tondezya eco ciluleme a cilubide, pele ceelede

kuba Ijwi. Taba konzyi kwaamba . . . Beelede kuzwa ku Ijwi! Aboobo mpaawo zinamatizyo ezi mpo zijulwa. Elyo muta pengi, ikuti na ncinamatizyo ciyo litondezya cini kuzwa ku Matalikilo kusikaku Ciyubunuzyo. Aboobo nzeezyo zinamatizyo. Sena mula Mu yanda?

Nda Mu yanda, Nda Mu yanda
Nkaambo Wa kasaanguna kundi yanda
A kuula lufutuko lwangu
Aa cisamu ca Kalivari.

²³³ Atu kotamike mitwe yesu. Mbangaye muno abo bata Mu zyi mbuli Mufutuli wanu, banga bayanda ku Mu taminina mu moyo wanu? Nywebo mulizi, Nda syoma mu kwiinka ku cipaililo, Nda cisyoma ncobeni. Eco ncibotu. Pele mu Bbaibbele tiiba kaunka ku cipaililo kuyo futulwa, baka Li syoma buyo mu moyo wabo a ku Li tambula. Mbangaye banu bayo boola mu nzila ya Bbaibbele, “Boonse bakasyoma baka bapatizigwa”? Mbangaye basyoma sunu, tabana cicita kale pele bayanda kulyaambilila kwabuleya kuti mwaka “lubila” mu nzila zyanu, alimwi uyanda kutambula Jesu mbuli Mufutuli wako? Walombwa utambike buyo maanza ako a mitwe yanu kiikoteme, kwaamba, “Nda . . .”

²³⁴ Leza aku longezye. Leza aku longezye. Leza aku longezye. Leza aku longezye, yebo. Leza aku longezye, kulaale kusule. Leza aku longezye, yebo. Leza aku longezye, kusule okuya. “Nda syoma lino.” Leza aku longezye. Leza longezye mwaalumi kusule okuya. Lino, nywebo mulayeeya, kutali *omuno* pele mu moyo wanu, kuli Leza, uli muku citya kulyaambilila kwabuleya, “Mwami, Ndi lizi tuli ku ciindi camamanino. Nda mana.”

²³⁵ I buzuba bumwi Nda kali kwaambaula ku mweenzuma muniini omuno mu dolopo, Dokotela Sam Adair. Twa kali kkedde mu ofesi. Nda kati, “Sam, Nda kali kujisi mungwimba.”

Kati, “Mbobuti mbo ziba kuti magaasi? Koonse ku moyo wako?”

Elyo Nda kati, “Iiyi.”

²³⁶ Kati, “Eco inga caba buyo cilwazi cakwaanga bulowa mu myoyo—ca moyo—ca moyo—penzi lya moyo—penzi lya moyo.” Kati . . . (Jatile.) Kati, “Inga kwaba penzi lya moyo.”

²³⁷ Kati, “Lino, mbobuti mbo ziba kuti nko cili?” Wa kati, “Andi kulange.”

Wa kandilangalanga, kati, “Peepe, tacili cintu cilubide kuli nduwe.”

²³⁸ Nda kati, “Sam, kufumbwa ciindi casika . . .” Ndili myaka ili makumi osanwe ayobilo yakukomena, nkabela Sam mupati aniini kwiinda ndime. Nda kati, “Cindi casika, Sam, myaka eyi yoonse ili makumi otatwe Nje kabikka mu kusola kubamba bantu kusyoma Jesu Kristo, alimwi Oyo Ngwe yanda a

kubelekela ciindi eci coonse; ta cibambi lwandaano kuli ndime cindi A boola, Njo unka ku Muunzi.”

²³⁹ Wa kati, “Billy, yebo ulizi, oko nko Ndi jana kupati maningi kwangu? Nku citila umwi umbi cintucimwi.”

Nda kati, “Obo mbuumi bwini.”

²⁴⁰ Ikuti na ujisi lukono awa mu inyika eyi, mweenzuma, ndukono lubi. Pele tutambula lukono olo luta yabaali pe. I mwana mutaka wakazwa a kusiya lukono lwakwe, nkabela wa katolelela cibeela ca ndulo. Cindi na kapiluka, lukono lwakwe—lwakwe lwaka sofwaala. Pele ikuti na wacija kuzwa kuli lwako, tacili boobo a Bwami bwa Leza, tula tambula lukono luta kulumpali. Sena mula yanda ku Lu tambula? Kwali batandila ku kkumi ayosanwe batambika maanza abo, basizibi abo bakali kuyanda kutambula lukono lwabo cifumo cino. Sa inga kwaba umwi umbi katutana ku komba? Iiyi.

Bucebuce ncobeni lino:

Nda Mu yanda, Nda . . .

Bamba mizeezo yako eno. Ikuti na walimvwa kuti uleelede, eci inga caba ciindi.

Nkaambo Wa kasaanguna kundi yanda

A kuula lufutuko lwangu

Aa . . . (Leza aku longezye. Leza aku
longezye . . . ? . . .)

²⁴¹ Taata Wakujulu, mu butontozi bwa ciindi eci, twa leta kuli Nduwe nkamu eyi ya bantu, kuni lya ciimo cikompamya cifumo cino, Mwami, kusola kuleta Mulumbe oyu ku bantu nkaambo Nda bayanda. Ndi yanda kuti ba Li mvwe, Mwami. Ndi yanda kuti ba simpwe. Ndi yanda kuti bazibe kuteeti zintu ezi zyoonse zya kacitwa mu myaka misyoonto yamamanino tii zyakacili buyo mu ntenda, wa kali Nduwe, Mwami. Wa kali Nduwe wakali kujula zintu ezi. Elyo, O Leza, toonse twa limvwa kuti nkoonya kumbele lyesu kuli Jubbili mpati.

²⁴² Nda kombela aba batambika maanza abo. Ba lizi kuti bali lubide, Mwami. Zintu zinji ziniini . . . Ndiza ba kakona mali amwi mu ziindi zisyoonto kuzwa ku muntuumwi, pele ino akacitwa nzi? Tiiba kazyi nko cakaunka, kamana buyo kaindi kaniini, nkaambo olo ndukono lukulumpala. Elyo ikuti na baka lusiile muntu umwi umbi, luyo kulumpala alubo.

²⁴³ Pele tu jisi lukono luta kulumpal, olo ndu, lufutuko, lununuko, kujokela ku muunda wa Edeni alubo. Amu ciyeeye, Mwami, nguni unga tayandi kujokela mbuli Adamu a Eva a kupona kusule okuya? Cakulya cesu cakabambwa buzuba abuzuba; Taata Wakujulu lyoonse mu mukondo kaambaula kuli ndiswe; kubona Mumuni oyo mupati kaweenda kumbele lyesu. Mulavu a umpe kabalya antoomwe, musune kalya makuba, mulavu kalya anguwe; cindi lino balyana umwi aumwi, na

mulavu wakalya musune, a umpe kulya musune, kufumbwa nca konzya kulya. Pele mazuba ayo ta cikabi mu nzila eyo. I bayuni bapati babotu kabauluka. Takukabi kuusa. Takukabi mpa iya kwindilila bulangizi bwesu. Kunselelo lya mukondo okuya tula bona bana besu, bayandwa besu. O Leza, ino mbuzuba! Ino mbuzuba! Takukwe makani eco nco tu tambula ano aa nyika, ciya—ciya—ciya kuyabaala, pele Eco ta cika yabaali.

²⁴⁴ Leza, kwayanda Nse kakonzyi kwaambaula ku bantu aba batambika maanza abo, awa aa nyika eyi. Ta ndizi. Nda syoma Nda cita. Pele ikuti na Nse citi, mpawo, Mwami, andi baswaangane kunselelo lya mukondo okuya. Inga baamba cintucimwi mbuli ceeci, “Mukwesu Branham, ula yeeya ansi aa nyika eci cintu cipati kacitana citika, cifumo cimwi wakali kukanana aa i—i kujulwa kwa zinamatizyo zya kabambwa mu Cibikkilo ca bulongo? Cakali ciindi eco Na kaboola mu cibikkilo cangu canyika, Nda li umwi watambika janza lyangu cifumo eco. Oh, Ndili kkomene kapati kuti Nda kaliko.”

²⁴⁵ Njo amba, “Mukwesu, mucizi, Ndili kkomene kapati kuti Nda kaliko, ambebo. Lino tuli jisi luswaanano antoomwe kwiinda mu makkalo oonse.”

²⁴⁶ Ba longezeye, Taata, mbi Bako. Wa kati, “Taakwe muntu ukonzya kuboola kuli Ndime citakuti Taata wa mukwela. Elyo boonse Taata mba Ndi pa bayo boola, taakwe wabo uyo sweeka.” Aboobo tuli—tuli lumbide, Taata, nkambo ka ceeco. Akube kuti ba boole lino a kujana cizibyo ca lufutuko lwabo, kutali kuunka kusangana mbungano. Pele cizibyo tacili kusangana mbungano pele Kuzyalwa kupya, kutambula Muuya Uusalala. Akube kuti ba Ku tambule, Taata. Nkambo twa cituula mu maanza Aako, mu Zina lya Jesu Kristo. Amen.

²⁴⁷ Nkambo ka tutambala otu: Mwami Jesu, Nda kombela tutambala otu; a kulomba kuti Uyo leleka boonse abo babulide, boonse abo bali waano, Mwami, oyu mwanakazi mucete ukkede awa mu wiluceya.

²⁴⁸ Kwamana muswaangano oyu mupati cifumo cino, Taata, kulimvwa Muuya Uusalala Wako kuuzya moonse kwiinda muli ndiswe, kumvwa Ijwi kaliselemuka kusakana ansi akuba amuyanda mu myoyo ya bantu. Taba kacilubi, Mwami. Ciindi conse bamvwa zintu ezyi baya kuyeeya zinamatizyo kazi julwa. Lino, kotu gwasya kuziba ezyo zinamatizyo mbo zyakabede, Mwami, kutegwa umwi aumwi ata nyongani mu mizeezo yakwe, pele uyo ziba kuzwa “MBUBOBU MBWAAMBA I MWAMI” kuti calo ncinamatizyo ca Leza, zinamatizyo ezyo Leza nzya kavungulula kuli ndiswe.

²⁴⁹ Twa komba kuti Uyo ponya balwazi boonse a bapengede. Ko cipa, Mwami. Muuya wako uliko eno. Ikuti na Ula konzya kufutula sizibi kusule lya buyake, Ula konzya kuponya muntu mulwazi okuya, awalo. Nda komba kuti Uyo cipa, Mwami, a

kuponya baimininwa ku tutambala abo bata konzya kusika okuno sunu. Twa cituula coonse kuli Nduwe mu Zina lya Mwami Jesu Kristo. Amenii.

²⁵⁰ Nda syoma bajisi muvwanda muniini oyo ngoba bayanda kutuulwa. Sena mwanakazi oyo nkwali a muvwanda muniini? Sa inga wamuleta ku ciindi eci? Inga twa kkomana kutuula mulombwana muniini. Peepe, taelede kuba muniini, yebo buyo waboola. (Bamwi baalu baboole a mbebo ikuti na mula cita ku ciindi eci.) Ula myaka yongaye yakukomena? Myaka yobilo acisela yakukomena. Ndi zina nzi lyakwe? Scott? Scott Ford, muniini Scott Ford, wakukomena kwa myaka yone acisela, uyanda kutuulwa cifumo cino ku Mwami a Mfutuli wakwe, Jesu Kristo. Banyina ba muleta. (Cigaminina, boola kumbele, mukwesu.)

²⁵¹ Mwami Siluzyalu, twa leta kuli Nduwe mwana oyu muniini cifumo cino, mu nzila ya kutuulwa. Kubikka maanza esu aa muvwanda muniini, mulombe oyu muniini, a kulomba kuti nguzu zya kabusya Jesu kuzwa ku cuumbwe ziyo pononosya mulombe oyu muniini. Leza, akube kuti apone mu nseba a nguzu. Akube kuti apone, Mwami, ku bulemu Bwako. Obo Mbo bikka kale mukati kugwasya muvwanda oyu, nkabela twa Ku lumba kuli nguwo. Elyo Nda komba kuti Uyo zumanana kuba a mulombwana muniini. Koba a bazyali bakwe, bayandwa bakwe. Akube. . .tu lizi alimwi twa kayiisigwa kuti zintu zyoonse zibeleka antoomwe ku bubotu kuli baabo bayanda Mwami. Obo zintu ezi zimwi ziindi mbo zikwela bantu muniini loko kuli Nduwe. Nda komba kuti Uyo pa zileleko ezyo nzyo twa lomba. Elyo lino, Taata, mu kuswiilila ku Ijwi Lyako, twa tuula mulombe oyu muniini kuli Nduwe mu Zina lya Jesu Kristo. Akube kuti Utambule muuya wakwe muniini, buntu, a mubili, a kumu belesya ku bulemu Bwako. Amenii.

²⁵² Leza aku longezeze, mucizi. Leza aku longezeze, Scott muniini. Obo mbotu lumba Mwami kuli ceeco!

²⁵³ Lino, mbaani bayo bbizigwa? Njeeyo nkamu ya bantu beelede kubbizigwa, Nda syoma. Kuciindi notu libambila kuli eco, atwiimbe. . .Nda mwaambila eco nco tunga twacita, atwiimbe. . .Njo lekela Mukwesu Neville kucicita. Ndi lizi inga caba kabotu mpawo. Ncibotu, munene, Mukwesu Neville.

²⁵⁴ Mula muyanda Mwami, amwaambe “Amenii.” [Mbunga yaamba, “Amenii.”—Mul.] Sa mula ndikombela? [Mbunga yaamba, “Amenii.”] Amenii. Amenii.



CIYUBUNUZYO, CHIPATI CASANU CIBEELA II TNG61-0618
(Revelation, Chapter Five Part II)

MATOBELANWA AA CIYUBUNUZYO CA JESU KRISTO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Gandapati 18, 1961, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org